

崇陽縣志卷一

大同坤軸細析井疆上揆翼軫遐稽漢唐山川赴
鄂風氣沿湘升之士訓稟我

王章志疆域

沿革

崇陽縣漢長沙國之下雋縣也秦分楚為三郡長
沙居其一漢高祖五年改郡為國領縣十三下雋
居其一長沙名郡始自秦下雋稱縣始自漢秦以
前名稱未著廣袤無稽已漢下雋幅員數百里今
巴陵臨湘蒲圻通城及嘉魚西南角皆所轄地縣

崇陽縣志

卷一 疆域 沿革

一

治在崇陽水經注可按也湖北通志專以通城為
下雋以崇陽為沙羨地大謬下雋新莽時改閉雋
東漢長沙復為郡下雋仍舊稱三國下雋屬吳隸
南郡考先主嘗與吳分荊州界湘水南郡屬蜀下
雋應隸長沙又考關侯鎮荊州湖以東屬先主者
數年所隸殆無一定時吳析下雋地為蒲圻入
武昌右部疆域狹於漢時晉
下雋仍隸長沙郡析置巴陵縣南宋元嘉十六年
下雋改隸巴陵屬湘州時長沙稱湘州巴陵升郡
郡統於州也南齊下雋隸巴陵郡舊志云改上雋
縣未詳何年南梁大同五年置上雋郡析地為樂

化縣與蒲圻沙陽並轄樂化卽今通城崇通之析蓋肇於此承聖三年改雋州南陳仍之旋廢隋開皇中與樂化縣先後併入蒲圻隸江夏郡唐天寶二載置唐年縣仍併樂化地元和間陞縣西錫山市爲通城鎮五代先屬吳改宗陽後屬南唐仍稱唐年後梁遙改臨夏後晉遙改臨江宋開寶八年始名崇陽屬湖北路通志謂吳改崇陽誤熙甯五年析通城鎮爲通城縣紹興五年復併十七年復析元屬武昌路明改路爲府屬武昌府

國朝因之武昌府十屬崇陽中縣簡缺道光二十二年改題疲繁難要缺

崇陽縣志

卷一 疆域 沿革

二

下雋漢以前無考故志沿革自漢始舊志謂上古三苗地禹貢荊州域春秋屬楚今試爲分疏亦畧有異同焉按史記三苗之國左洞庭右彭蠡尚書蔡傳三苗在江南荆揚間杜氏通典閻氏釋地以江州鄂州岳州潭州衡州當之崇地初隸長沙卽潭州繼隸巴陵卽岳州今隸江夏卽鄂州謂古三苗地殆是也禹貢導山過九江至于敷淺原九江卽今洞庭在長沙下雋西北敷淺原卽廬山俱見蔡傳崇地當洞庭東其西南天岳山一名幕阜縣

互數百里東訖廬山崇居其左腋間則近揚州之南境爲荆揚域也楚都今荊州府地熊渠封子紅於鄂隔大江重湖林莽幽邃當爲蚡冒啟山所未能窮春秋楚并小國多俘諸江南如巴陵爲麋平江爲羅皆遷地又吳公子慶忌居艾卽今江西甯州崇地當鄂之南麋之東羅之東北艾之西北則地與吳鄰爲楚邊境也至於三苗地或又辯其非夫後之名區昔之荒壤五州皆然其又奚辯焉○前漢地理志注充縣澧水東至下雋入沅後漢馬援傳注下雋故城在辰州沅陵縣據二注所指之

崇陽縣志

卷一 疆域 沿革

三

下雋皆今沅陵地故沅陵亦稱下雋然考後漢郡國志下雋屬長沙郡沅陵充俱屬武陵郡疆土畫然非若巴臨蒲通與崇陽山川相接沅陵不爲下雋所轄明甚至謂下雋有二或由彼遷此或由此遷彼皆臆斷耳以史證史當由師古章懷二注之誤詳山志○三國吳先封周瑜偏將軍領南郡太守後封呂蒙孱陵侯下雋皆其奉邑明封楚王楨庶第五子孟煒崇陽王王未就國省垣崇府山卽王府也邑爲封地史書一二見亦數典所宜舉也附志之

星野

三垣列宿諸星附

崇於天文太倉一稊米耳顧星與土精氣相通凡在海宇徧覆無遺

皇朝建極授時綱維萬國蕞爾崇亦居衆星環拱之內次星野於沿革昭一統也今按鶉尾楚也見周官鄭注南方朱鳥尾曰帑周楚之分見左傳杜注翼軫荊州見史記江夏入翼十二度長沙入軫十六度見晉書天文志舊志云邑分野從郡崇隸鄂固江夏地入翼度又云崇舊隸長沙應入軫度徐行星野圖說云楚爲鶉尾崇陽爲鶉尾之次可知是

崇陽縣志

卷一 疆域 星野

四

皆準古法也考辰次星度古今歲差不同謹遵

國朝

欽定明史天文志武昌府軫分

國朝歷法壽星起於翼終於軫崇地軫分次壽星崇陽今隸江夏古隸長沙入翼入軫舊志已不一其說今江夏亦入軫度可不必更占翼星矣顧銅儀測驗占法日增星分其度度分其分天官家司之外人未易窺其奧而荊州星分翼軫其大畧人所習聞則二宿星數及附近二宿之星亦當詳志備典故非爲占候也按續文獻通考明史天文志

翼二十二星軫四星軫中長沙子一星軫旁左右
轄各一星軫東南青邱子七星今止存三星其餘
東甌五星在翼南軍門二星在青邱西土司空四
星在軍門南噐府三十二星在軫南俱向有今無
而考之步天歌武密書乾象新書言諸星屬翼屬
軫或屬張各據所見不歸於一今諸星雖無而諸
書具在亦星度有盈縮之一證也王一甯江夏志
謂翼不止二十二星軫不止四星將諸星俱混作
翼軫則非是○步天歌云二十二星大難識舊志
圖翼星與乾象不合今武昌旣入軫度圖有翼無
軫不備也噐府三十二星今皆不見舊志圖之贅
也茲不復圖○又按鶉尾之次劉歆費直諸家及
明大統歷皆起於張中於翼終於軫但微不同耳
國朝歷法推算歲差最爲精密鶉尾起於星終於翼
壽星起於翼終於軫今壽星之次全爲楚占固不
待言而翼居鶉尾之終軫又爲大火所起是楚分
野在翼度者尚畱小半次鶉尾在軫度者更分小
半次大火壽星未足盡楚占也

三垣列宿諸星

太乙第二星主荊州見統論北斗璇星其分爲楚

見宋書天文志荊州麗北斗權星見史記荊屬衡
星見廣雅吳楚之疆候在熒惑占於烏衡見史記
十二國凡十六星在牛女南魏西一星爲楚見宋
書天文志天市垣西藩第二星主楚之財帛見通
志五車五星在畢東北次東南曰司空主鎮星主
楚見隋書天文志三台六星上台下星主荆揚見
宋書天文志

界至

道路附

崇陽縣在武昌府南居江西湖南湖北三省之交
東西廣一百一十五里南北袤一百四十五里

崇陽縣志

卷一 疆域 至

六

東至通山縣界白羊山四十五里 東南至通山
縣界塘及江西南昌府義甯州界三界尖俱八十
里 南至義甯州界鋌子坵一百一十五里 西
南至義甯州界槐頭砦通城縣界柘橋俱八十里
西至通城縣界白馬廟七十里至湖南岳州府臨
湘縣界筍姑山八十里 西北至蒲圻縣界分水
嶺五十里 北至蒲圻縣界壺頭山三十里 東
北至咸甯縣界連河嶺卽小嶺七十里
邑惟西南界通城人村一帶沿雋水之旁無山爲
限限以橋北界蒲圻官程十里踰壺頭之外山不

爲限限以鋪餘則四山環列凡水注崇陽河者皆崇地也故畛域分明莫如崇

道路

邑東門右踰下津渡左里五浮溪橋里三新塘嶺

左里六白霓橋里二光祿鋪里五回頭嶺里十露口

雙路鋪右里七白羊山觜里八界塘入通山界

雙路鋪左里五駝泥嶺里十牛欄鋪里十黑橋里十一

里三連河嶺入咸甯縣界古大路由此

新塘嶺右里七油市嶺里五龐家巷里十高隄里十一

里二豪豬隴里七下沙坪里八湯家墩左里八北山

崇陽縣志

卷一 疆域 至

七

里一界塘里十入通山境

湯家墩右里七橫嶺里五靈官殿里七金家邊里十一

里二金塘坳里七青草原里七居北橋里八大原橋

里五鋌子坵入義甯州境

下津渡右里十石子嶺里十銅鐘坪里五伏嶺里五

中保鋪一名伏嶺坑里一仰山殿里二金塘

達鋌子坵

邑西門緣河里三白泉橋里七打石嶺里五烏龜石

里十石城灣里一桂口司左里八沙坪里十櫟林

里十石觜里二鐵柱港入通城境

沙坪上里二 左踰洪鐘渡 里三 黃臺礮達江西路詳

後

西門右行里五 洋澌礮 里五 香山 里十 冷坳橋 里十

桂花樹下 里八 黃土塋 里七 分水坳入蒲圻境

桂口西北行里十 虎爪石 里三 熊家隄 里五 神口隆乾

間里人廖祖尼修路道光間其孫欽雲重修 道 里九 雙港 里八 伏嶺入蒲

圻境

桂口右上里五 上峯嶺 里十 東關 里十 水口舖入通

城境

西門左踰上津渡至五里牌 里三 吳城渡 里二

崇陽縣志

卷一 疆域 至

八

吳城舖 里五 洪家橋 里五 莎塘舖梭一名塘 里五 蔡家

墩 里五 石屋舖 里二 劉婆橋 里八 清水舖黃茆橋

一名黃馬 里十 進口舖 里十 星橋舖 里十 白馬舖入

通城境

進口舖左里七 黃臺橋 里二 堰市 里三 入通城境

五里牌左里十 城嶺 里十 青山口 里十 櫟山舖 里十

思義坳 右里十 雙港 里十 高梘 左里二十 小山界

入甯州境右踰雞鳴嶺入通城境

思義坳左里五 茅坳 里十 河坪 里五 坑口 里五 羊眼

灘 里五 石門 里五 金塘達鋌子坵

邑北門里

地名五里界

自北門至洪上路俱

里五

鹿門舖

里五 金竹堡

里五 王子舖

里三 洪上即壺

頭

明邑人劉日孚國朝知縣何嘉儒福昌阿先後修路

里一 洪下入蒲圻

境

里六 屏山舖仍入崇陽境

里十 東流舖入蒲圻

境

洪下右行往咸甯

陸路七十里至蒲圻縣治

九十里至通城縣治

九十里至通山縣治

一百三十里至咸甯縣治

二百里至臨湘縣治

二百五十里至義甯州治

陸路三百六十里水路五百四十里達武昌城

陸路三千九百二十里水路五千五百三十五里

崇陽縣志

卷一 疆域 至

九

達

京師

道路詳書曷故宿息井樹野廬氏司之路室候館

遺人職焉茲固王政所重也崇道多迴盤險仄時

平商旅猶憚其艱至於逐寇行師如比年以來幾

人况瘁矣以此作負弩之導誰曰不宜

艾叔午雞鳴嶺路記雞鳴山去崇陽縣治西南九

十里地接通城之梓木有古道焉山峻石岌嵯峩

蜿蟺或援其扈或附其巘或陟其岵或躡其岨或

降其坂或緣其阿或依其崔嵬然俯眺其崖壑山

暴石決濼激陡峻之下時或伏臘則滑葉攘攘汨
淋酷熾行者病甚嘉靖戊子歲里人王紳倡義重
修乃托募於僧海旺其扈者取其平直渠以洩其
澤駛巘者裁其高下土以實其虛危岵者撤其耿
塞剗以杜其侵蔓岨者平其苴磧鑿以廣其湫隘
坂者從其高闊石以疊其深浚阿者順其曲折堤
以綴其陁絕崔嵬者從其崴伏砌以衛其碎裂縱
約十五里橫約四尺經始於秋七月畢工於冬十
一月也坦坦如底輿徒稱利噫諸君子其利於人
亦溥矣哉視世之崇虛以蠹民財者用心不同矣

而况修理道路王政所係諸君子不少有裨於時
政也歟予道過廖翁雙厓喜而詩之乃遂屬以記
志於石

吳楚材上津路碑銘漁郎仙路在上津渡口歲久
水齧路崩往來驚危邑大夫汝南復泉陳公爲政
之明年伐石修之捐金首義不欲費民也士庶助
以終役四旬而功成歡欣踴躍頌聲載道不佞楚
材勉徇衆心爲之刻銘自昔先民義稱正路導民
孔良豈惟君子能由是路正直平康小人視之趨
令從好道則遵王有津通市誰其闢之曰惟漁郎

古道既湮誰其嗣之示我周行明明我侯修廢舉
墜植弱扶僵砥石障流登之坦途式效劬勩初議
是役不潰於成築舍道旁公力行之旬月奏績夙
夜未遑爰立厥程費省事集心則恐傷以此從政
與其鷹鷂不若鸞鳳用告來茲此時口碑異日甘
棠何以頌之壽考萑祿與路俱長

曹學詩桂口鎮修路碑崇邑西南桂口鎮古三市
之一也南接甯州西界通湘北鄰蒲圻爲數省衝
衢煙火相連居民稠密闐闐鱗次負販紛紜轂擊
肩摩輪蹄絡繹先年市街皆甃碎石歲久坍塌缺陰

雨泥濘行旅苦之近市劉君士函隱君子也性行
醇樸嫻睦粉榆利濟存心樂施無倦惻然憫行路
之多艱迺於乾隆丁卯年捐貲二百餘金輦石鳩
工修成坦途廣五尺延袤一百二十丈城平甃潔
缺陷盡完自是而行者負者戴者輿且騎者霖潦
不滑於汙泥昏黑無憂於顛躓余以巡涖四郊途
經桂口父老猶歌誦不衰劉君又以重值買曾姓
宅中私井公諸一市汲者咸便之市西溪梁易朽
劉君欲易以石而力有弗遑命其子終未成之志
嗟乎其嗜善而勇於爲義耄而彌篤卓乎可風也

已夫先王之政雨畢而除道水涸而成梁詩不云乎周道如砥其直如矢易曰履道坦坦幽人貞吉今劉君以布衣爲善於鄉而有便於民助有司之德意使邑士民盡好行其德若此其功之及於鄉里者甯有涯歟劉君名校士函其字也子光復光裕光朝俱能紹述前勞光朝不忍厥考之德久而就湮乞余一言鐫諸石並爲尚義者勸云

廖政大修盤山路自雙港至思義坳詩上修赤壁下盤山不使人嗟行路艱共指前程尋遠到悠悠平步過溪灣

崇陽縣志

卷一 疆域

至

十二

鄉里

保甲附

崇邑鄉里向有乘除太平寰宇記崇五鄉元豐九域志崇二鄉明一統志編戶一十六里舊邑志一十八里大約本唐制五里爲一鄉而增損之準以周官一鄉五百里崇鄉里俱非古制也今三鄉十一里之稱不知始於何年相沿已久仍之

鄉三天城 金城 仁義

里十有一縣市 欽風上 平上 平下 仁上

仁下

已上六里天城鄉

十都

十一都

已上二里金城鄉

仁義

烏石

下故郡

已上三里仁義鄉

舊有欽風下欽賢十二

都金城丁步下仁上故郡七里久廢舊志仁城上仁

地都十一不相聯屬天城相其勢不相聯屬故更正

保

鹿門 東嶽 新塘已上三保 礪墩蕭坊

石坑 白羊 豪頭 下巖已上六保

青山 西冲 肥田 石屋 雷駱已上五保

洪橋 灌溪 三山 四聖 湯田已上五保

上津 下津 河山 銅鐘 小港已上五保

浪口 崇洪 河田 龍頭 黃沙已上五保

仙師 雙港 沙坪已上三保 塘峯 茶峯

崇陽縣志

卷一 疆域 鄉里 十三

大源已上三保 桂口 白驪 方山已上三保

進口 星橋 臺橋 河西已上四保

妙明 城下已上二保

甲

十一里每里十甲共一百一十甲里有長以大家巨族爲之甲有首以寒門單戶爲之舊制也今惟設保正里長甲首俱廢

舊志只書鄉里而嚴保甲之法於今實爲急務故附著焉按保甲之設古法今弊風俗因是而厚薄訟獄因是而簡繁奸宄尤因是而消長所關匪淺

其故可思也崇邑四十四保道光二十二年大保四分之次三分之又次二分之爲一百三十二保尋廢不行夫多一法卽多一弊有治人始有治法此四十四保果若周官族師之四閭相保相受比長之五家相親相及邑大夫可靜鎮而臥治矣觀於鄉而知王道之易此其一端也

曹學詩仲冬月由上津保沿路編查保甲宿華陂畝詩斜景匿餘霞蟲語澹將夕涼風過馬首落葉荒郊積整駕歷巡遊僕隸勞鞭策燈光明古渡父老聚阡陌秔稻已登場桑柘俱安宅魚鱗考版圖

崇陽縣志

卷一 疆域 鄉里

十四

犬吠守欄柵觀民德意宣問俗山田瘠農家具雞黍愧此村醪白夜枕類鄉園宦游倦行役微鐘醒旅夢始悟身爲客

形勝

天城四面周遭壺頭萬峯回合東南山跨左右湖楚吳關隘西北水通上下雋湘鄂咽喉

崇陽爲江夏南屏舊志諸序記有云彌望平疇曠博沃衍四圍有山愈遠愈高如列屏疊障言天城也巉巖峭壁夾岸交鎖一夫當關丸泥可塞言壺頭也然此僅就一邑而言象龍片甲肖虎一斑其

細已甚若統全楚大勢論之大江以南鄂渚星沙
兩省相望中間門戶蒲圻當驛站要衝崇通尤爲
山郵捷徑故湖濱之斥候揚塵則巖邑之輪蹄滿
地歷考往昔崇常苦兵且民氣多懦無以聯之天
城不可恃壺頭雖險僅一面耳西南連通城其道
坦易東南鄰義甯東北接咸甯通山如鋌子坵兩
界塘小嶺等處其道雖僻江東有警則盜賊常出
沒焉蓋九江不守則界塘以東疊嶂重山如無遮
迓義甯不守則鋌子坵易啟窺伺通城之南樓苦
竹二嶺亦難爲險隘小嶺爲古達省垣大路益無

論已通城之九嶺羅湘倚爲藩蔽崇通受控制焉
往者崇陽屢次陷賊全賴官軍自上而下旋即收
復邇年吳楚根本旣固幕廬兩阜間寇卽經過不
敢久停可見彈丸小邑固視東南省會諸大關隘
爲安危者也何形勝之有特山林幽邃雖間爲盜
萑苻而鄉井亦便於避劫用清野堅壁法制勝有
餘以故晉時逋寇踰歲被擒漢代居民至今畱裔
衆志成城是在上之人有以得此於民也必形勝
乎哉

山水

崇山皆祖幕阜洞天福地記二十五洞天幕阜山在鄂州唐年縣今屬通城幕阜東北崩崙直行歷南樓苦竹二嶺東起黃茆山位崇之南崇居其陰巉巖曲行歷相思銅鼓諸山北起箬姑山位崇之西崇承其足雋水西北岸山皆箬姑來東南岸山惟星橋臺橋二保分自通城餘皆黃茆來也黃茆入崇變直爲曲邑東南山其水西北箬姑入崇變曲爲直邑西北山其水盡東黃茆爲首壺頭爲尾狀如眠鰕逆水而側崇抱其懷中五華爲尾壺頭爲首狀如遊魚順水而下崇分其右脊此崇山之

大勢也舊志山無起訖峯嶺巖洞門類區分全體不顯今倣禹貢導山詳考原委次第書之正行曰來旁行曰支不斷曰連特出曰起

箬姑山西八十里跨三縣界北臨湘南通城東麓入崇有坳曰馬頸狀其形也咸豐甲寅官軍殲賊於此連峯障天上產百藥絕頂可眺洞庭邑西山之最高者天井山西七十里箬姑山支界通城與臺山對峙端正莊嚴如人危坐東麓迤邐臨雋水谷中爲明季逸民王道大隱遯處

桃花山西七十里箬姑山來五峯相連一名五華

上有八花壇笙竹井下爲桃花洞

臺山西七十里與五華山連上有卓錫龍霖二泉
歲旱禱雨投楮錢泉中沈則雨浮則否近麓有龍
井產水蟲俗呼龍子詳物產 龍潭洞西八十里
在臺山天井之間

劉景韶北峯亭望臺山寄柳應和詩北峯懷子厚
西望落臺山大地清秋色遙天倦鳥還洞庭霜染
樹匡阜月臨關耿切惟芝宇何時一解顏

汪櫬再遊臺山詩數年不到山愈古漸曠漸深入
林塢山景漫云今昔殊草草前遊曷足數支筇又

崇陽縣志

卷一 疆域 山

十七

上紫衣嶺一層一歇雲中冷磬板聲傳落山腰知
是青精前客請此老此遊何以再花鳥欲爲語往
概陰壑風吹芝圃香秦歟漢歟將近代吁嗟于今
悵昔遊慎莫後遊將今悔

龍頭山西六十里

城下保

桃花山支其北麓路旁石

壁有小窪出泉杓許行人就飲俄頃復盈 大坵
嶺西五十里龍頭山支其下有泉湖大坵故名

白沙嶺西四十五里桃花山支俗名城上咸豐間
胡文忠公林翼塔忠武公齊布嘗駐師山麓

龍窖山西七十里五華山來界臨湘土人呼雷師

嶺北麓有桃花坳桃樹灣水出桂口 摩旗峯西
五十五里龍窖山支相傳有紅花太子結壘山上
被困而死其墓曰紅花壇或犯之雷雨猝至壇旁
摩旗砦石上有孔瞥見輒失其處山麓右曰陷馬
坑左曰戰場山不知太子何時人或曰巨寇也
金山西五十五里旗峯右角相傳有主簿采金此
山穴崩壓死鄉人爲立祠有廢寺曰福聖址存
巖頭山西五十里摩旗峯支廣輿記山周迴百餘
里蓋合摩旗上峯桃源諸峯嶺爲一山也唐僧全
齋於此建叢林山有二巖分載於下餘詳寺觀

羅漢巖在山前洞門窄小縋而下內極幽邃深不
可窮有石臺可以坐臥石窟響潺潺從山麓壁隙
歛出爲卓錫泉 寶陀巖距羅漢巖數十武軒朗
若大廈宋建炎中丞相李綱命名緣昌國海中有
補陀山因舉似也詳見古蹟巖前有喝落石舊產
龜紋竹頻伽烏詳寺觀及物產 斗洞西四十五
里巖頭山支出石青翠色遠近取以爲碑 上峯
嶺西四十五里巖頭山支岡巒平衍其土宜松苗
咸豐間官軍殲賊谷口湖南新甯縣知縣趙啓玉
嘗駐營焉 桃源嶺西四十里與上峯嶺連 易

博士嶺西四十里巖頭山支坡陀重疊與上峯相望咸豐四年胡文忠公駐軍其上

雲車嶺西七十里龍窖山來西爲梨樹坡東爲大竹原原上有山曰金盆溫遷約墓在焉 碧雲峯西五十里雲車嶺支高峯聳秀上出層霄煙雲繚繞四時不絕里人呼煙坪嶺有大小水塘在其絕頂 石門山西五十里煙坪嶺左角危途臨澗俯見巖厂石穴有香三瓣歷久不剝落壁高數十仞四無路徑可望不可即不知誰置也

劉鎮鼎乙卯春月雨夜上煙坪嶺詩亂山層疊萬

千重山裏茅庵山外鐘透漏禪燈遮不住一星明滅碧雲峯敞著柴扃夜不關遙遙一犬吠雲間分明招手如相問又隔坡陀幾曲山鶻叫猿啼悄不聞喜逢微雨歇宵分征衫溼透渾無礙半是煙嵐半是雲

李夢松九日自石門歸巖頭書齋詩客散出重關離山又入山谷風奔峽猛澗水落潭閒路待樵夫指人隨倦鳥還登高雖負約彳亍白雲間水桐嶺西七十里雲車嶺來高十里西屬蒲圻東有滴水巖其下爲象鼻觜茶坑水所自出 八斗

山西六十里水桐嶺支高峯插漢峯旁田八斗故名谷底爲八斗潭飛流瀉石滙成深碧潭中出雲則雨山陽爲小茶坑山北曰牽牛嶺 漢梁山西四十五里八斗山東起高嶂橫列如屋梁山麓出炭居民取煉石灰 金城山西四十里桂保 漢梁山支 獅子巖西四十里苒藪谷中漢梁山支林壑幽僻消夏最宜巖前舊有吼雪亭詳寺觀 紫雲峯西四十里上新村金城山支形如飛鳳秀削天成日初出紅霞掩映清暉娛人楊文昭廉使品崇邑勝景雲峯朝陽其一也楊孟凱廬墓於此

崇陽縣志

卷一 疆域 山

二十

神山西三十五里獅子巖支 頭巾石西三十五里獅子巖支連山臨雋水危巖陡削一石突出狀似頭巾故名每大比歲邑士獲雋則山先墜石爲之兆近地漁者能一一指數謂某石應某科云 烏吳山西二十五里獅子巖支相傳有主簿鑿山引白驪港水注肥田畝烏聲吳其上故名 獅子石烏吳山前高巖臨岸下爲獅子潭潭中石齒巉露出水面可坐垂釣

張開東

賓陽蒲圻人

茶坑雨中詩嶺雲高礙日林雨亂

隨風嫩卉封茶徑春蔬潤竹籠書聲溪響外樵唱

鳥歌中伏枕增詩思幽栖耳爲聾

棲雲峯西五十五里八斗山支北折東起峯巒重
杳林木深蔚可以避喧谷底饒泉石枕漱尤宜
寶林山西四十五里栖雲峯支山麓回抱田塘村
落頗饒幽趣 桃花峯西四十五里一名重巖山
栖雲峯東起二峯刺天樵徑偪仄登者難之東麓
地名金盆有熊則禎宅

李德一寶林山村詩古道無人迹荒庵晝掩門樹
多山隱屋橋轉水圍村入穴魚龍遯當關虎豹尊
如何彈劍客驅馬向平原

崇陽縣志

卷一 疆域 山

二一

伏嶺西六十里

方山保

水桐嶺至此而伏故名俗呼

佛嶺北界蒲圻江客入山此爲要路咸豐甲寅胡
文忠公收復崇陽由此進兵 夏家嶺西六十里
伏嶺來 白花嶺西北五十里夏家嶺來俱跨蒲
圻界 分水坳西北四十五里連白花嶺 臙脂
坳西北四十五里白花嶺支

方山西四十里臙脂坳東起高嶂排空橫列如一
字林壑幽邃瀑布飛石間有龍池大小石門香鑪
石雞冠石雞籠峯諸勝層巔爲九仙壇旱雩輒應
詳見古蹟西麓復起爲小方山 溟水嶺西四十

里方山支嶺旁石穴水深叵測 櫪木坳西三十
八里溟水嶺支 雞鳴峯西四十里 黑石嶺西
三十五里俱櫪木坳支 上寶山西三十五里雞
鳴峯支岡巒重複山澗環繞西南谷口有小阜曰
鉢盂山東北谷中有生成石竈俗呼仙人竈 虎
爪石西四十里雞鳴峯支石上有虎跡故名
巖士貞方山詩遙望羣峯擁翠鬢紆回一徑倦躋
攀枯藤倒挂長松上亂瀑斜飛巨石間龍卷雲歸
常帶雨犬隨人去自登山半空知有湫池在欲啓
瑶函論大還

金紫山西北五十里由白花嶺分水坳來跨蒲崇
界合水嶺羅漢嶺爲三山原 柴嶺西北五十里
與金紫山連 水嶺西北五十五里亦連金紫山
西界蒲圻
羅漢嶺西北四十里金紫山來上多沈水窪其陽
有羅漢巖高丈五尺以上內有石柱石牖石輪石
鼓之類入百步溪湍限焉莫知所止山麓爲羅漢
泉地屬古丁步里 石嶺西北三十五里與羅漢
嶺連

一峯西三十里羅漢嶺東起其下曰大小黃沙

石燕巖西三十里一峯支空嵌如屋流水經其內
穿壁出焉 雙峯西二十五里羅漢嶺支其陽爲
楊林畷 龍崩峯西北二十五里羅漢嶺支嘗有
龍出其頂崩迹尚存 大雄峯西二十五里羅漢
嶺支一名汪家峯 許仙巖西北二十里與大雄
峯連相傳許遜逐蛟過此劍劈石裂有插劍池石
壁篆許仙巖三大字泉石奇僻神物所窟宅也

神馬山與許仙巖近 犁頭峯西二十里大雄峯
支 大木嶺西二十里犁頭峯支地宜松苗

梯嶺西北十五里大雄峯東起 楊榆山西北十

五里梯嶺支 灌溪山西北十五里與梯嶺連唐
智閑禪師建刹山下有劈箭橋漚麻池諸勝詳寺
觀 打石嶺西十里灌溪山支石山逼岸俯瞰深
淵官道所經咸豐五年平江武庠何忠驥擊賊遇
害於此

神峯西北三十五里羅漢嶺支下有泉白泉陂源
出焉 白泉山西北三十里神峯支泉湧成河乖
崖所引即此 水落峯西北三十里神峯支峯凹
水落石穴潛行出香山故名 團雲峯西北三十
里水落峯支峯頂石罅起雲卽雨 香山西北十

里水落峯支白泉水經此居人多置水碓 虎巖
洞西十里香山支大如廣廈石色潔白

陳山秀虎巖洞詩一徑浮雲護翠苔洞門無鎖日
長開夜闌澗壑風生樹知有神仙馭虎來

伏嶺西北十里

灌溪保

石嶺來俗呼伏作佛 竹山

北七里伏嶺支

大集山北五里自箬姑歷白花嶺金紫山羅漢石
嶺伏嶺來至此諸山叢集爲縣龍少祖故名一名
紗帽山下有石泉久晴將雨雲霧出焉 蝦蟆石

西七里大集山支

崇陽縣志

卷一 疆域 山

二四

王應斗四月三日同汪東一諸君遊紗帽山詩春
去兩三日留光回晴峯坐對豁遙目心神與之從
出郭未數里歷山如千重巖花導幽折谷鳥工迎
逢下馬踏危磴歷歷凌層空翠嵐出襟袂雲影生
孤筇行行止巔際秀削疑芙蓉莊重一端冕厥名
良自工清泉出其下白日眠蛟龍上者接河漢蒼
昊懸孤松俛首眺來逕羣巒咸肅恭非不自奮迅
無一敢寵從如彼淮陰營寂寂嚴軍容一杯納萬
流湛然盪心胸如彼雁蕩水不聞鳴淙淙昔賢選
佳勝纍纍眠高棗造物司鉉秘以茲靈氣鍾是氣

所蒸洩藹然通蒼穹細發始一縷密與衆山縫我
來值初霽猶與煙光衝再拜謝林麓荊獲矜私衷
於焉理清酌席壤披蒙茸校詩山鬼駭野鹿鳴長
風僕夫乃促行相對懷忡忡爲我道梅亭有酒酬
歡悰亭香逼山翠幽致擬畧同笑取巖與壑納之
杯勺中流覽不覺暮夕陽在高墉

汪柱紗帽山詩家在峯前幾歲寒掉頭相對亦相
安林無捷徑干簪組山不移文笑籜冠方正恰加
羣嶂上巍峩儼挂五雲端湧青樓聳珠簾卷只作
名園畫軸看

破岡山北三里大集山來宋知縣張詠引白泉水
灌北郭田鑿此通圳道故名

七星嶺破岡山來依縣城西北一帶岡阜皆是雋
水橫其前曠野居其左西角爲南峯北角爲北峯
宋知縣張詠陳仲微所建亭館諸勝迹在其間南
峯低處爲學坡傍西門爲葉津嶺臨水高阜有文
昌閣北峯有奎星閣城牆雉堞隨嶺勢起伏憑高
四眺數十里外遠嶂層巒周遮爲天城皆收入眼
底西北一里許向來官軍駐營之所咸豐六年王
壯武鑫復崇城大破賊於其下 揭家嶺七星嶺

南麓入城一小岡也在縣署之左學宮之後嶺以東傍城舊有王疇劉景韶陳忠愛王應斗黃色中宅 袁家嶺西北一里七星嶺支 雷打石西一里袁家嶺支石被雷擊故名 呂公洞西郭外古美美亭下溪邊立石巉巖宛如洞府

劉景韶山城遣興詩草閣憑城起柴門逐巷開種魚分細沼栽竹傍高臺晚計能安節時名負愛才炎涼何世態天地一浮杯

王應斗山城避暑詩窅然城角寄深邱遺世何當覓遠遊心到靜中諸味冷境逢孤處一塵幽池邊

崇陽縣志

卷一 疆域 山

二六

淺碧難容暑樹裏高寒忽邁秋羣動只今爭附熱可能大火不西流

譚暉山城詩城外行人夜半歸城中半夜漏聲稀

頽垣壞堞容高枕分付雲山四面圍

時乾隆間縣城未繕故云

○秋日同龔潔田過金氏山亭詩行遍回廊繞小亭來從曲徑坐疎櫺旁人指點白雲外猶有遙岑一角青

桃花洞北五里大集山東麓居人呼學堂山洞旁多桃樹故名山前爲蘆渚泉朱砂橋 仰蓮山北四里大集山支其麓臨河岸爲石龜觜元隱士巖

士貞宅在山後 鮎魚山北八里大集山支出赭石下有鮎魚泉灌田甚廣

任希夷桃花洞詩我來欲訪桃花洞地老天荒無處尋應是武陵源上路落花遺恨到如今

城嶺北十二里石嶺支周遭如城曲徑盤上田廬煙井逼真圖畫 梧桐山北十里城嶺支山下爲望天隴 馬鞍石北八里梧桐山麓臨雋水曰段馬其石狀若鞍故名 龍門石與馬鞍石並峙波間中空若門魚舠出入其閒 雞籠山北十五里梧桐山支山頭怪石狀甚猙獰 印山北十六里

崇陽縣志

卷一 疆域 山

二七

雞籠山支俗呼石灰山 羶帽嶺西北二十里城嶺支與王過山夾雋水北行山麓有六坑小水流出傍岸石壁自王子舖至洪上官道經其下

李宙復

嘉魚人

洪上道中詩倚石窺平陸沿溪得徑

長娟娟縈篆水曲曲引虹梁馬足撩雲亂禽聲穿樹忙卻疑晴旭裏空翠溼征裳

北山西北五十里金紫山支已下俱界蒲圻 韭菜嶺西北五十里連北山 汪家山西北三十里北山支石壁數十丈雨後瀑布可觀山上大霧坪東角曰鷹觜巖其麓爲壺頭左岸詳後壺頭山

雪峯西北三十五里金紫山支屬蒲圻其麓屏山
舖一帶隸崇陽山上雪峯庵秋糧在崇○已上雋
水西北岸山

瑣石嶺西南七十里自通城堆山來星橋保

鳳凰山西南七十里瑣石嶺來峯巒秀麗狀如鳳

翥山後鴨公泉禱雨輒應台橋保

黃茆山俗呼黃袍山南八十里界甯州通城其陰
爲避原有響石扣之聲聞里許危岑矗立雲表曰
槐頭砦詳古蹟相傳山生神韭見之任意采掇或
以告人則失其處 雞鳴嶺黃茆山支相傳黃巢

崇陽縣志

卷一 疆域 山

二八

乘雞鳴踰此故名西界通城之梓木里

雷柱峯南六十里黃茆山一支西北起界通城一
名靈芝峯上有靜室 團竹山南五十五里雷柱
峯支其下爲龍王關

峩眉嶺西南五十里雷柱峯西起界通城 進口
嶺西南五十里峩眉嶺支 白鶴巖西南四十里
進口嶺支在磯埠瀛潭之間巖兩層面臨雋水左
右洞達中有山精白日惑人

黃鷹峯西南四十里峩眉嶺北起 漿坑嶺黃鷹
峯之陰相傳古官道經其下 缺頭山西南四十

里黃鷹峯支 搶水巖進保 西南四十里黃鷹峯

支石壁立溪岸巖欲深潭水壯舟下歷險相傳昔有龍舟誤入巖中同舟二十四人俱溺惟操槳者得出至今端陽前後值天陰雨猶聞鼓聲

茱萸山南四十里黃鷹峯支唐僧存制建寺其下山多蛇虺種茱萸辟之故名順治間僧開古井烹茶有別味餘詳寺觀 頓旗山南四十里與茱萸

山連

三陽峯南四十五里黃茱山支北起居通城界

界方嶺南三十五里三陽峯支 石龍山南二十

崇陽縣志

卷一 疆域 山

二九

五里界方嶺支層巔盡石骨西麓巨石跨澗如龍穹然活泉流其下北麓有蒙正發宅 獅子山與

石龍連 聖人山連獅子山端正如几與青山巖夾吳城港並峙

徐登元石龍原懷蒙聖功給諫詩半壁南天草樹荒出山小草氣飛揚千軍夜肅潼溪月匹馬朝馳粵嶺霜不恤讒言訾五虎長懷忠悃弔三湘石龍原上風雲壯想見當年義烈光

梓木峯南三十三里界方嶺西起明季逸民甘澹甯隱居其下 旗帳山南二十八里梓木峯北起

兩山並峙明季鄉民避李闖賊俱結砦焉 團山
南二十五里旗帳山支石可爲碑碣 楠木嶺西
南三十里旗帳山支相傳昔產楠木其下爲南谷
林塘幽秀可釣可樵 羊巖西南三十里旗帳山
支石壁臨澗有微泉滴瀝不絕 黃狗巖西南三
十里梓木港口壁立雋溪旁旗帳西行至此止
釋願輝上梓木峯詩策杖披雲去清風滿澗阿蕭
條新韻少解脫舊緣多曲徑鋪紋蘚懸崖挂綵蘿
好山搜未盡絕頂數煙螺

熊鍾祥南谷樵答詩樵聲時近耳此外一無聞但
恨稀來往山村易起雲

崇陽縣志

卷一 疆域 山

三十

屏風山一名石觜山南十九里旗帳山支雋水流
其左山麓頗饒泉石前臨曠野吳城煙樹羅列如
畫咸豐六年秋王璞山觀察鑫破賊山下駐營其
上 聖降山南十八里一名聖筴山旗帳山支
郭嶺南十五里聖降山支

大湖山距治八十里自黃茆來經小山界峽峯巒
競起陽吳陰楚與黃茆居北並爲邑南高山上有
五湖蒹葭叢生朝嵐暮靄不見其頂或云洞庭水
通彭蠡潛經山底山陰百丈巖俯瞰龍塘西谷爲

鐘山石銳如筍谷口有宋廖思齊明王景昭宅北
谷爲寒泉泉冬溫夏寒明傅源居此危峯戴石曰
關山石峯頂猪婆泉禱雨頗應東谷九曲嶺下有
老龍窩石上瀑布飛流不斷東麓鋌子坵田形如
鋌子故名 皂靴巖大湖山西麓其地爲乾滲黃
沙巖在其間一石懸巖罅黑質白底宛肖靴形
青峯巖在皂靴巖之下 雷公峯南七十里大湖
山支孤峯特起寒泉大原二水會其下
王應斗遊大湖山寺詩累日穿層岫尋煙得大湖
水痕依漢絕巖勢削天孤風起山如沸雲深地欲
逋空王幾浩劫又閱海桑枯

崇陽縣志

卷一 疆域 山

三一

廖道南爲廖處士慶源賦黃沙詩四言四章有峙
者阜厥象元龜英英白雲覆彼泰蒼岵岵在望岡
陵可期有紀有堂不震不虧彼幽人兮壽考維祺
靜觀物化養厥靈知洛水錫範會極孔時右龜阜
瞻雲
有峯峩峩攢簇如筆盤雲崎嶇干霄翠律青鏤飛
巒綠蔓絕壁月出皎兮於崖之窟彼幽人兮於焉
石室玉魄揚輝金波滋液陟則在巘神情自適右
筆

峯眺

有石巖巖其鈞伊何匪溪匪澗如江如河磻
谿六璜桐江一蓑海鷗忘機結盟湘波彼幽人兮

朝誦暮歌任公掣鰲屈子乘鼉匪絲伊緡其樂靡
他右鈞石
盟鷗有崖突兀鬱鬱其青銀河瀉瀑素練含
清綠蘿旖旎丹壑琮琤鳥道縈紆猩谷阻深彼幽
人兮而有遐心樹德務滋懋休有聲靜言觀之洞
鑒性真右青崖
觀瀑
汪際秋鋌子坵詩半畝桑田兩界分須教赤壤等
黃金雨晴鄰叟占星野唱和山農鬪土音負耒出
疆通地方田同井各鄉心一犁隴上才驅犢楚
尾吳頭耕並深

居北山東南八十里大湖山來自鋌子坵迤邐北

崇陽縣志

卷一 疆域 山

三二

起高巒峻嶺塞滿雲漢界甯州通山稱三界尖

橫嶺東南六十里三界尖支 金塘山一作金堂
南六十里在居北山西北其麓有金塘坳

龍泉山一名河山距治四十里金塘坳北起層嶂
橫亙半空上有民居村落徑路陡絕相傳葛洪采
藥經此山周二百里邑南山之最大者其峯巒隨
處異名分志於下 白崖山龍泉西角石壁峭立
色白獼猴所窟內多野蜂其飛蔽日崖蜜下垂上
有五龍靈應行宮天然石竈引水入釜相傳石孝
廉於此出家有祖師塔近時有道人冬月擷崖端

草果吞之辟穀半載 魯溪巖龍泉西谷洞門幽
僻秉炬入行數十步寬平如居宅可容千人旁有
穴若戶牖中有石渠泉流清駛常時草木狼藉遇
旱致禱則地無纖芥若有司灑掃者巖間有詩漫
漉剥落止存二句云飯和鼠耳蒸來軟羹雜羊蹄
味帶酸蓋避紹興亂李孝廉題鼠耳羊蹄二野蔬
名也 楂枒山龍泉西麓復起危巒一名弩牙以
崖勢如弩牙也或作拏牙今稱磨盤山四面陡削
仄徑盤旋石壁始得上回溪繞其三面宋末廖正
大結砦焉 思義坳龍泉西峽相傳有兄弟爭田
將訟之縣憇此各悔而罷故名 西籠峯一曰雞
籠龍泉東角孤峯窮劣望之神悚峻壁如削曰西
籠巖上有石磴可坐以眺遠其麓爲西籠泉從深
洞出漑田甚多或云洞與魯溪巖通 雷巖龍泉
山陽半嶺間洞口甚狹側身入可容百人石罅有
光泉流壁上高數百丈人迹罕到其水下注泉洪
可資灌溉 葵山當居北之北已上俱古龍泉山
此其南麓也

巖士貞白崖山詩白崖峭插逼蒼穹上有巍巍老
氏宮晉代神仙曾卜隱唐年福地獨稱雄龍吹夜

浪千山雨虎嘯陰巖萬壑風伫立不知襟袖冷朗
吟飛步下層峯○魯溪巖詩嵯峩絕壁倚空青洞
府寥寥夜不扃半里寒沙畱虎迹一巖陰氣帶龍
腥敗蓬漂泊疑通海虛竅玲瓏仰見星秉炬莫言
深不測冥搜吾欲問山靈

蒙時言遊魯溪巖詩步近靈巖宛洞天翠微高聳
薜蘿懸濃雲愛逮雲封疎樹小澗潺湲瀉活泉卻向
龍狀求假寐更從苔壁問遺鐫登臨欲賦尋幽句
愁絕羊蹄鼠耳聯

汪際美

字燦紫
邑庠生

早過河山詩炎朝行趁早茲嶺冠

崇陽縣志

卷一 疆域 山

三四

諸危家塢高峯盡鄉音野店移宿雲分擔杖斜鳥
掠鬚眉俯眺初升日青霄憩少時

金櫃山南三十里龍泉山來石壁陡削俗呼棺材
山上有洞高四十丈洞外有池林木掩映自成村
落山民居其間相傳周侯清丈履畝見白鷺翔林
表知上有田塘人遂不敢隱 鼓臺山南三十八
里金櫃山支 高石南四十里金櫃之麓 馬鞍
山南三十五里與金櫃山連 伏嶺河山保距治三
十里馬鞍山至此而伏跨峽有古亭譚琳題曰息
肩亭畔有泉行者飲之

誥軸山東南四十里伏嶺東起連山橫亙當龍泉
之陰絕頂亂石林立環繞如堂一名雲臺山西角
有修月洞 朝陽洞在誥軸東角半山閒正對兩
山石室三重俯臨絕壑黃冠構精舍其旁曲折取
徑入焉內重常暗旭日始升光從巖扃映射駐景
移時故名洞門有泉如簷溜淅瀝鑿石盛之長年
不竭遊者指爲奧區 捨水巖沙坪 誥軸東麓石
壁攔溪流水洄漩入巖下深不可測 黃獺巖誥
軸東麓洞口半隱水中漁者入取魚內有石門數
重爲限愈入水愈深廣 魯家巖誥軸山北險峻
可避兵 集雲峯東南三十五里誥軸山支在中
保形如騾髻砥柱水口 分金嶺東南三十里誥
軸山支 真人峯南二十五里分金嶺支上有麻
鞋跡一石絕肖漁翁俗呼仙人撒網下有仙人洞
極幽勝

銅鐘山南二十里伏嶺支相傳山巔古寺龍起其
閒鐘隨水流至江夏有異僧取置開元鐵佛寺款
識大曆八年鑄山有數洞西面洞尤深秀如廳堂
者八九重外重頂平色白成黑文大篆數字彷彿
峒嶼碑其內曲折高下廊回檻轉石筍下垂如冰

綴檐鏤刻作花草不可名狀一石類蹲獅尤奇
丫髻山南二十里馬鞍山來與銅鐘對峙 小巖
南二十里馬鞍山支有泉出注田 黃鷹巖在小
巖之左 大巖右與黃鷹巖近內有泉塘天旱山
民負桔槔入洞轉水
汪宗凱小巖詩千仞巖高俯翠微晴嵐裊裊靜朝
暉衡門皂帽何爲者白首看山興不違

青山巖南二十五里連大巖石皆青色故名山下
溪水匯龍潭深靚莫測危巖壓潭面洞門雙啓非
舟航不入雨餘漲後沙上有巨人足迹長三尺餘

崇陽縣志

卷一 疆域 山

三六

有黑獺腹白如月暈夜出有光有鼈大如盆其腹
赤見者必病幽處雲根下垂蜿蜒作龍狀暗泉落
石有聲不知去處居民鑿壁架圓瓴接出灌田大
旱不竭巖上路甚崎嶇路旁復有巖如廈屋可居
米良崑遊青山巖宿逸懷堂簡趙巖仙詩數年寤
寐登茲堂今日閒身願始償凝露不凋嘉樹葉輕
煙先抹好山粧桑麻成巷皆幽事雞犬隨人無俗
腸高擁圖書供坐嘯知君白日到羲皇

羊角嶺南二十里馬鞍山支

城嶺

雷駱保

南十五

里丫髻山支

天靈山南十五里丫髻山支上有

廟雩求每應 潭頭嶺南十里天靈山支吳城港
深潭滙其下 棠嶺南七里潭頭嶺支 黃土嶺
南十二里丫髻山支

案山南十里丫髻山來正當縣治故名中大嶺左
仙姑山右麒麟垠鼎峙如筆架下多活泉諸山俱
出炭縣案關係一邑宋元以來官有嚴禁不准開
挖仙姑山上有仙姑廟相傳仙女修真於此

劉廷俊廩半山邑生九日登山詩幾家茆屋峯旁列萬
疊柘林嶂外浮老我詩無豪士韻西風黃菊又深

秋

崇陽縣志

卷一 疆域 山

三七

石子嶺南十里仙姑山支 雞冠嶺南十里石子
嶺支 大嶺南七里石子嶺支 橫山東南五里
石子嶺支俗象形呼挂榜山 楊席巖東南十五
里雞冠嶺支巖臨石規陂其下多怪石

金啓南軒來全椒人石規堰奇石詩奇石拔地出偃僂
觀流泉翛然在濠濮癯瘦同莊仙造化炫巧怪顛
倒呈媿妍百物尚美秀石醜爲得天覩茲皴陋質
姿態何踈蹏撫之若拱璧愛之如嬋娟安能置懷
袖傲彼襄陽顛

旗山一名北山東南六十里三界尖來由界塘北

起石嶂嶙峋如偃旗故名上有洞如屋爽塏可居
梅嶺東南五十里旗山支大小二嶺相連達甯
州小路經此坳上石亭行人息肩之所 七峯山
東南六十里梅嶺支

雨山東四十五里旗山來巔嵒特起跨通羊境一
名乳山其泉如乳禱雨輒應五峯筍立雲霄縹緲
間緜亙數十里上有龍潭風洞登仙石等勝爲省
龍少祖邑東山之最高者 鬪石巖雨山支出泉
注鷺鷥陂 大泉巖雨山支巖罅有石類龜泉出
其下每湧起如潮時或大湧則如雷聲訇訇萬斛
迸出頃刻決隄塌屋其內有神物也

汪文盛禱雨山文惟茲高山奠邑之東百靈所聚
萬福攸同厥名曰雨爲鎮實雄精發其儲氣洩其
融蒸雲滄霧鞭雷策風變化莫測潤澤無窮歲往
或旱求靡不通茲者不雨五旬告終太和閉鬱元
氣滯壅終風晝暴烈日朝紅慘地陽烏貫天長虹
赫赫炎炎蘊蘊蟲蟲畝有拆龜原野彫容怨生赤
地聲徹蒼穹神之聽之豈曰不聰罔恤其下罔惻
其衷某等獲戾罪止厥躬四境無辜毒苦是逢擢
擢嘉生惟天之功忍使粢盛春秋靡供民固不利

神亦何從神智以知我誠是鍾勢窮訴哀詞迫禮
恭神其降康救我疲癯雷驅其駕龍啓其宮奮響
出地騰波發蒙膚寸而合須臾易充我黍與與我
稷芄芄轉災爲福易歉爲豐率我父老歌神之功
欽若仰止敢忘併懺

汪世綸

海嶼邑
庠生

雨山詩岩堯秀色滿煙村井里頻

沾雨露恩陰壑千尋藏霧失奇峯雙乳插天存遙
尊岱岳爲東帝俯瞰崇山若衆孫我欲結廬居絕
頂終朝伸手摘雲根

燕光烜崇陽竹枝詞乳山絕頂住山農重疊開田

崇陽縣志

卷一 疆域 山

三九

傍碧峯穉稷高堆天外望黃雲都被白雲封

東平山東三十里雨山支 僊師巖在東平山俗

呼木魚洞石室幽邃東西洞戶中通往來內有石

田大小十二區應十二月土人視其燥溼占水旱

深入有石如象如輪如蓮花龍湫寒泉穿石竇出

注爲泉陂天旱湧水濁則雨清則否凡水湧三前

三卻而後噴出一月輒一湧或數湧焉其上半里

又一洞空嵌深杳有石牀帳幄烏泡泉源出其中

歲旱禱雨屢驗 劍背嶺東二十里雨山支

金城山東十五里雨山西行至此止宋黃庭堅讀

書其上山陽白石港中流石磯其洗硯沼也好事者畱其硯後爲人取去今所存粗石具硯形而已山上蝦蟆首赤斑瘡不鳴或云庭堅憎其聒耳以朱筆點之

曹學詩金城墨沼詩孤鶴巢澗阿羣鴉散林麓前賢息遊地白雲媚修竹髻齡訪親舊暇日志誦讀松崖一卷書光可燭天祿滌硯石成凹含毫花作簇墨氣傳古香春泉流碧玉蘇黃名並高峩眉未許獨山僧學遺書種蕉滿空谷

靈女山東四十五里雨山支跨通山境山頭有古

崇陽縣志

卷一 疆域 山

四十

城號女城不知所自有泉清泚歲旱禱焉

龍窟巖東四十五里雨山來嶺高巖險中有巨石狀如懸鐘其側有泉旱禱每應

白羊山東四十五里界通山白石磴腦來踰界塘高峯卓起鬱律端穎山腰有洞相傳晉永昌中有三人乘白羊入洞一說舊有神羊出沒其閒故名其石作鐘磬鼗鼓聲皆畢肖泉禱雨靈驗

巖士貞白羊洞詩絕頂高寒境界幽倚筇舒嘯豁凝眸遶林筍蕨香初動夾道松杉翠欲流赤豹啼時山月曉白羊眠處洞雲秋鄉民歲乞靈泉水一

滴天瓢遍九州

豪頭坳東七十里白羊山峽 沿河嶺亦曰連河

東七十里自豪頭坳起爲蔡家嶺蜿蜒至此界咸

甯達武昌古路所經 小嶺自沿河嶺來 橫巖

東六十里自小嶺來 苦竹嶺東北六十里自橫

巖來俱界咸甯相連有嶺曰鰍魚圻

韭菜巖東四十里自苦竹嶺來壁立如列屏壁上

洞口出泉居民避亂梯棧而上復下數丈內容千

人其上爲薄刀嶺道光壬寅春劉軍門孝標駐師

於此更名磨刀嶺 大灣嶺東北四十里連韭菜

崇陽縣志

卷一 疆域 山

四一

巖踰嶺爲板坑二里許係崇地水出蒲圻 老虎

巖與大灣嶺連界蒲圻

鏡面山東四十里韭菜巖來 棠棣嶺俗名駝泥

鏡面山下咸豐乙卯秋參將彭三元保舉知縣李

杏春統兵禦賊殉難於此 紫龜巖在鏡面山舊

有紫龜出沒其間 楊梅山東四十里鏡面山支

五峯山東四十里 白石巖下巖保 東三十五里

連鏡面山

尖山東三十里白石巖南起 田東洞東三十里

尖山支洞深杳無涯門口一石如懸鐘其南有蘆

潭巖

橫山

白羊保

與尖山連

石下山橫山支

劉家巖東三十里與白石巖連

石洞嶺劉家巖

來 東冲巖石洞嶺來

龍頭巖山在邑東二十里東冲巖來山高百餘丈
絕頂寬平曰東坪約五十畝沃衍可耕時而積水
不洩則成巨浸巖在其麓高龕數仞如堂出泉萬
斛漑田數千頃巖前斷澗有石類龍首臥波間故
名巖旁有洞縋入深至九重其上爲王月臺真人
修道處其下則神龍所宅也踰山而北有龍窟深
不計尋丈與龍頭泉相吞吐秋冬水涸汲者入百

崇陽縣志

卷

一疆域

山

四二

步下橫長溪莫知所止山之東有石人高二丈旁
有石類狻猊作回盼石人狀 柳林洞龍頭山支
有泉出洞中與龍泉小泉二水通洞口有方石
王應斗龍頭洞閱真人堂紀事詩石壁啓丹扉蒼
霞護逕微苔封仙子骨翠溼道人衣漸入川原迥
翻疑天地非神龍不易狎所貴在忘機猶是人間
路偏驚色界幽晝遊翻秉燭暑在即披裘萬壑潛
通海孤濤迭送秋不知從此外更復有丹邱
曹學詩龍頭山禱雨詩積翠入煙巒包絡萬峯會
懸崖拔地起突兀鴻濛外叢灌各蒙籠雲嵐相滃

蒼羣山如蝟縮肅立儼冠佩芒鞋觸熱登足繭忘
勞憊匍匐祈山靈鐘磬望雲拜鐵壁何豁訝蚌胎
張口噉怒流聲喧戾亂石響澎湃危磴歷峻嶒龍
湫俯陰晦古窟藏精靈深巖露光怪昔聞有真人
入洞跨龍背羽化救蒼生石牀仙骨蛻祇今黃冠
客遺事增感慨我來命土人縋幽度險隘陰生毛
骨寒震盪雷霆磕洞門守狻猊驚愕挈瓶退歸來
祭雩壇嘖取飛泉灑涼風颯然至黑雲起如蓋滂
沱遍四郊鱗甲鼓濤汰秧田水已盈活活流溝澮
微躬有何德感召甘霖沛詎敢貪天功生成由大

崇陽縣志

卷一 疆域 山

四三

塊青旗出東臯鉏笠慰保介錢鏞勿辭勞轉眼秋
成快

金啟南龍頭巖詩聞道龍宮洞九層洞中寒氣夏
尤凝宮深九曲何人到龍睡千年有客乘漠漠野
雲迷大壑萋萋秋草沒高陵我來憑弔王居士欲
探驪珠愧未能

王觀潮龍頭山下詩凌空一徑入雲斜小崦深藏
八九家門外有溪溪上竹滿山開遍杜鵑花
羊角峯東二十里連龍頭巖峯前遠眺銀山雋水
在襟袖間倚崖有寺屋角階前森羅泉石遊客品

爲勝境 烏土山或呼於菟東連羊角峯上有包公砦載古迹 臥龜山東北十三里烏土山支梧桐岡東北十里臥龜山支西麓昔有書室劉景韶饒仁侃饒曾盧鳳來陳采皆讀書其中 城岡嶺東北十里臥龜山支其麓有湯泉

萬裕澣遊羊角山記縣治東巍然一峯卓立如筆者羊角山也其端秀甲諸峯辛酉重九前四日友人邀登眺是日宿饒生大均

清臣邑廩生

書室初六日

微雨宿長冲庵初七日辰後乃往遊焉數里至山麓亂石嶙峋石中一徑繚曲肩輿礙難行各徒步

崇陽縣志

卷一 疆域 山

四四

山陡峻三五步輒憩徑石嵌空玲瓏位置奇巧如園墅所植假山數折至寺門寺前一泉出巖下光黝然入寺殿如蝸廬以山峻削故旁爲禪堂寺僧妙通取泉瀹茗味甘而質輕佳泉也是夜月明如晝山中雲氣滃然望遠山不甚了了惟見白練鋪平野自南繞北則溪水也初八日早起至前亭倚檻而望西北諸山橫疊於前高低相若每枝數節如蓮藕焉正西之山或圓或欹如蓮葉之受風捲側不一烏土山侍羊角右上斂下張如側垂之蓮蓋轉視羊角正峯則石裂數瓣旁尖聳而中微低

如菡萏之欲舒未舒者余指謂同人曰此蓮華也
名羊角辱山矣域中山成斯形者多仙都曲江蓮
花山六祖棲真之地也黃山蓮花峯文殊現光之
場也羊角千百年未聞仙佛卓錫於此則蓮非佛
氏之優曇其殆文人之筆花乎且勝朝邑貴多此
山之脉所鍾毓者斯蓮決非清淨之花明矣使於
此設立書院士人讀書其中得山水之清淑挹煙
霞之卷舒眼界胸襟日新月異安在無大儒如蓮
溪者出於山閒乎惜干戈未靖不得與同人共襄
斯舉也然山必不虛生矣語竟寺僧肅客入飯飯
後由山後取徑視來徑平坦去三十餘里望蓮花
猶灼灼雲表也

米舫九日山頭讌集詩秋山濃淡暮雲遮處處籬
邊餞菊花惟有壺中春不老一聲長笛徹天涯
米調元城岡貧居詩風色歸窮巷門閒盡日關布
衣四海士寒樹古時山夢想羲皇上身居夷惠間
小童出負米昏黑踏泥還
白竹山北十里城岡西起 香鑪石北十里在蘆
泉港口大河中劉景韶豎旗竿其上 燕子巖北
十五里白竹山麓下臨白雲潭石厂空嵌水漲則

扃其戶

回頭嶺東二十五里劉家巖支 江水嶺東七里

赤土嶺東七里俱回頭嶺支

東泉山東北五十里老虎巖支跨蒲圻界迤邐盤旋百餘里懸巖峭立山上有山邱壑半在雲間村落不減平疇其泉分注兩邑 石仙巖在東泉山巖高九丈有奇深過之高處有石仙像周遭石龕如鏤刻前有石類鐘鼓扣之皆應右有丹竈左有羅漢田十八坵穿穴循田而上可至絕頂奇崛冠邑諸巖

崇陽縣志

卷一 疆域 山

四六

葛仙山北二十五里東泉山支上有葛仙壇壇西石竈石井皆若天成井泉久旱不涸舊傳葛洪煉丹於此後人建石壇石屋祀石像禱雨立應 南箕洞葛仙山上嘉慶三年白蓮教匪匿洞中鄉勇逼之盡死今白骨成堆 白石巖北二十里在葛仙山

王應斗登葛仙山詩
褻然凌衆岫凝望得瀟湘
庵雨分山翠巖風透橘香
境隨雲不定僧與石同蒼
丹井猶堪酌神仙豈渺茫

王過山北二十五里連葛仙山俗呼黃角與羶帽

嶺對河並峙 虎頭巖在王過山 盛家巖 蔡家巖俱與虎頭巖近

壺頭山東北三十里夾崇洪兩岸皆稱壺頭左爲大霧坪支有飛翠亭右爲王過山支有伏波廟雙崖逼立一洪流出寰宇記謂川如甕壺之口故名也水中野鴨洲狀如半月舊有古樹成林道光末年盡爲洪流衝去邑紳舒萬峯新種柳其間水底碎石鱗次向上生其巨者曰鰕魚石正當水口明中葉爲易姓知縣鑿去詳陳忠愛崇洪橋記或傳馬援經此訛也今伏波廟有神蛇甚大隱見不測

如援傳所云蓋亦偶然相符耳互詳壇廟○按馬援所駐壺頭在今湖南常德府桃源縣西辰州府沅陵縣東崇洪稱壺頭不知所自其山道肇啓於宋寶祐初水道再鑿於明嘉靖中援征五溪蠻決不由此夫人知之矣乃壺頭之稱相承不改又往往見諸書志竟成千古疑案深維其故則由崇爲下雋故也援傳云初軍次下雋有兩道可入從壺頭路近而水險從充塗夷而運遠此兩道一水一陸自下雋分非謂壺頭即下雋地漢郡國志下雋屬長沙郡壺頭在武陵郡下雋壺頭迥不相涉而

誤讀援傳者將長沙之縣武陵之山并作一處於是彼此互相遷就而疑團生焉遷下雋就壺頭則云下雋故城在辰州沅陵縣遷壺頭就下雋則云壺頭在崇陽縣北據水經注下雋縣治實在崇陽凡巴陵臨湘瀕江等處皆其所轄援當日自洛南征必涉漢江沂洞庭至六溪口以上舟次南岸皆下雋地將由壺頭則進沅口將由充則進澧口沅澧二口相隔百餘里舟未過湖必先定所向兩道之由自下雋分其爲洞庭東岸可知大約援所次不必崇地而總不離乎鄂岳間者近是至沅陵亦

稱下雋則沿漢書注之誤蓋援所入之壺頭不在下雋所次之下雋別有壺頭不并作一處疑團自兩釋矣

甘澹甯崇洪石鐫記崇禎戊辰應府童子試歸雪陷泥淖止宿洪下次早天晴行至柳樹橋石路將盡處忽見壁間字畫微分拂視之有大宋歲癸丑寶祐七小字下四行鑿山引水拔石通道使往來者永有利濟十六大字旁一直行有歲寶祐云云其下似有十餘字多是此公姓名官秩則石筋綻裂齒縫峻嶒莫可識認後又有小字百餘只存一

丑字於微茫依稀之間歸告先子先子曰兒未行
欽上里連河嶺路乎砥途砌級爲吾崇長沙郡達
武昌舊路至隋唐始割屬武昌崇洪爲後開之路
明矣予時誌勿忘繼此十六年來風雅凋盡區區
斯世之存亡亦置度外順治辛丑偕長兒李至崇
洪低徊詳審字跡宛在如逢故物但昔年鑿字存
金今亡矣使字去人旁只存吏字一半三十年間
石有莫保之勢况千百年耶竊思其文曰鑿山引
水必其初有巨鰲怪筍磨立水中噴沫喘波簇占
交鎖鑿之以通舟楫者也文曰拔石通道必其初

爲山麓陡頓五丁束手造良迴駕長天一線無可
著屐拔之以通車馬者也文曰使往來者永有利
濟必其荒開草昧自我作始爲前人所未及貽後
人以永賴者也閱宋而明吾崇諸名輩覽勝考古
多所表章獨於斯缺焉嗟乎數何奇哉及遍搜崇
記在南宋都杭時郵使命臣遊滇黔閩粵者道經
吾崇名人於小橋野店莫不題詠崇洪嶮巖竟無
半字則寶祐前之道不出於崇洪昭昭矣漢末孫
權往來江上進駐崇陽築城中圳今河以吳城名
洗瓜試劍有池不聞有崇洪遺蹟而黃巢陷逆之

變禍遍崇山巖頭金界斬塔有痕亦不見於崇洪
有惡跡則漢唐兩代之道不出於崇洪又昭昭矣
至隔岸伏波一廟尤爲疑案想即開山引水之公
所立以保障一方者大約如西郭之丁祠北郭之
張祠類耳後人不察以爲馬援征五溪經此而祀
之抑何荒唐不經也哉不然張乖厓李忠顯爲邑
名宰何曾半字及崇洪惟明許學道少華臨崇考
校顧中丞東橋三宿北峯亭俱有過崇洪詩明人
見之而歌豈漢唐宋人見之不歌乎第不知此作
者何人獨於其人之姓名官秩不少堅也噫嘻可

怪矣意名邑宰陳仲微爲之或任希夷爲之仲微
喜作亭榭點綴山水品題至佳按其於崇尚爲淳
祐閒前乎寶祐使開闢在其時題詠當溢他景之
外矣希夷踵仲微後後乎淳祐必此君乎山川有
知尚其來告萬年奇績不可無詩○按任希夷在
陳仲微前詳見官師志

燕光炷竹枝詞蒲崇界處峭峯開飛翠亭高險道
來洪上水聲洪下聽懸巖十丈吼如雷○已上雋

水東南岸山

水經注陸水出下雋縣西三山溪東逕陸城北

已上

營今通城陸水通城蓋三國吳將駐又東逕下雋縣南

心在今崇陽西暇故長沙舊縣王莽之閑雋也宋元

嘉十六年割隸巴陵郡陸水又屈而西北流逕其

縣北北對金城吳將陸渙所屯也已上今崇陽境金城當在崇洪

一帶疑卽城嶺桂口橋墩兩保金城山方位俱不一合江夏縣志所載方位合而相去遠當又是一山

已下蒲圻陸水又入蒲圻縣北逕呂蒙城西昔孫

權征長沙零桂所鎮也水逕蒲磯山北入大江謂

之刀環口○閱漢書注崇陽疑非下雋地考水經

注崇陽實爲下雋治此段叙陸水簡核分明因更

加註脚爲志水權輿

崇陽縣志

卷一 疆域 水

五一

崇陽河卽陸水一名雋水一名桃溪四山環繞溪

流清澈崇水之大者源出通城東北行入崇陽縣

界會鐵柱港又東北會諶家港又東北會伍港又

東北會星橋港又東北會黃臺港又東北會東關

港又東北會城下港又東北會桂口港又東北會

梓木港又東北會肥田港又東北會荻洲港又東

北會吳城港又東北會灌溪又東會白泉港又東

會浮溪又東北會小港又西北會抄革港又西北

會龍頭港又西北會黃沙港又北至洪上會崇陽

港下壺頭入蒲圻界會東流港以下爲蒲圻河

李師庾唐年竹枝詞四圍劣峯號天城雨色煙嵐
望裏明一帶河流穿石骨浪花飛雪送船行
王鎮常桃溪竹枝詞卜豐亭北美亭西漏盡遙聞
五夜雞警枕睡餘還起眺一簾花雨泛桃溪
鐵柱港邑西源出通城至鐵柱山東入雋水 諶
家港源出邑西窮姑山下龍潭洞經佛圖陂至蕭
家灣東入雋水 伍港源出邑西臺山經六斗畝
東南入雋水 油壠港源出通城堆山經油隴白
馬廟西北入雋水 黃臺港邑西南源出通城高
冲經崇之堰市黃臺橋至進口舖西北入雋水

崇陽縣志

卷一 疆域 水

五二

東關港源出邑西臺山桃花洞經東關至田家觜
東入雋水 城下港源出邑西五華山由緣橋山
出泉湖至沙坪東入雋水港口有汪必東宅
汪文盛贈西溪主人詩主人耽逸興結屋俯清流
月照巖頭夜風生桂口秋岸花明野渡溪竹映山
樓水落魚龍蟄雲深草樹幽長年違舊國有夢到
芳洲與子期漁釣沙邊兩白鷗

桂口港一名桂溪源出邑西大小茶坑逕石門至
桐楓嶺又源出雲車嶺逕桃樹灣至白土山合戰
場山澗水至桐楓嶺曰桃花港逕柘樹潭出桂口

南入雋水 桃源即桂口港將出雋水處雨餘春色最佳崇邑八景其一桃源春霽夾岸有楊昺周琮宅 梓木港源出邑西南雷柱峯瓦子棚界方嶺梓木峯等處合流至石屋舖西入雋水

肥田港源出邑西伏嶺逕神口至虎爪石合重巖山八斗山油冲諸水爲白驪港至馬頭畝合上寶山龍鳳港水至肥田畝合楊林畝水東入雋水

白驪港西三十里有龍潭 龍鳳港源出邑西分水坳經長港受羅漢巖水出大源山口受方山水至學官畝合肥田港 楊林港源出邑西龍崩峯

逕楊林畝受柘林水合肥田港 荻洲港源出西北萬家山逕許仙巖楊林礮至荻洲東入雋水 仙巖港卽許旌陽逐蛟處

吳城港邑南一名青山港匯高梘大原諸港水經龍泉洲出青山口至吳城坪西北入雋水 高梘港源出避原高梘至雙港會大原港 大原港源出鋌子坵合寒泉等處水經黃楊灣合細港經河坪合金港至雙港會高梘港 寒泉港源出大湖山麓正源至雷公峯合大原港 細港源出乾滲經黃沙至黃楊灣合大原港 金港源出金塘坳

至河坪合大原港 東流港長峯保源出三陽峯合
青山港

灌溪源出邑西灌溪山清蘭泉至五穀壇東南入
雋水 白泉港源出邑西北神峯至白泉礮東南

入雋水港口裏有二洲上古
柏二株左岸有伏波廟

浮溪源出丫髻山北流入雋水溪口有汪文盛宅
其官福州時有句云念我浮溪舊釣磯是也

白石港源出邑東南十都會小東大東北山中保
諸水至三汊潭合小港

汪宗伊過白石港詩青山長隱霧白水自生波魚

崇陽縣志

卷一 疆域 水

五四

躍舟中異鶯啼野外多懸崖看亂石驟雨溼輕羅
鼓棹長年數淒風起暮歌

小東港源出邑東南三界峯至雙港合大東港

大東港其源亦出三界峯 深渡港小東大東北

山諸水合流所經 中保港源出邑南龍泉山谷

中東合深渡港 羊港源出邑東小嶺白羊等處

經大市遠陂至白霓橋爲橋墩港至三汊潭會白

石港爲小港 後溪源出邑東梨樹坳注小港

小港邑東三汊潭合羊港白石港西入雋水

抄革港源出邑北菖蒲原經鹿門舖至毛家橋東

入雋水 龍頭港一名蘆泉港源出邑東北龍頭
泉至香鑪石西入雋水 黃沙港源出邑東北屏
風山逕東泉山至板橋合寶花泉經河田湖口西
入雋水 崇陽港源出邑北三山原凡九十九灣
至洪上東入雋水水口爲崇洪礮 東流港崇洪保
源出金紫山之陰地屬蒲圻經崇邑屏山舖至洪
下東入雋水

陳忠愛重修崇洪礮記吾邑介在山中列嶂四塞
而千谿萬壑皆會流於崇陽洪而出巉巖峭壁夾
岸交鎖亂石鱗次橫截河流每隆霖泛漲卒難宣

崇陽縣志

卷一 疆域 水

五五

洩淹沒田廬石罅行舟篙槳莫措多所顛覆其苦
水患者此水口也然風氣完聚靈秀攸鍾人文財
賦甲於他邑其受利益者亦此水口也先是易侯
會齋精曉堪輿而與一二鄉紳有隙遂取中流奇
石如鰈魚者斷而小之名爲便舟實以鑿秀夫以
修怨一夫而貽害一邑抑何忍也父老僉謂經始
之日萬鴉繞鳴報罷始散去自此科第日漸寥落
積貯日漸虛耗乃始歸咎乎鑿石者之巧於售害
晚矣其夾流斷岸舊有橋梁一以利往來一以固
關鍵也形家謂如咽喉之會橐籥之管最爲喫緊

頃爲洪水所圯勢難飛渡顧病涉猶其小者而水關散漫形勢不無少損我聶侯惻然動念曰王制司空不視塗則國非其國而況此橋有關利害者乎第役吾瘠民興事而攘以自勞非愛也然而避選事名而姑需之後人以坐貽一邑患非仁也於是捐俸發粟鳩工伐石巋然一新之士庶之感奮好義者亦爭先輸餘貲以佐不及侯固不忍勞民而民忘其勞子來不倦未數月而告成不獨輿馬負戴利有攸往而地脈之斷而復續形局之殘而復完風氣之散而復聚異日者人文寢盛財賦寢

饒而一返其舊安知虹橋之興不可補鱖魚之闕吾民不能一日少此橋也其能一日而忘吾侯哉侯諸所興革有功德於國家生民甚大不具書特書其成橋者如此侯名有聲別號思文蜀之宜賓人

王應斗崇陽洪記縣北三十里爲崇陽洪環邑之千溪萬派滙於雋水者盡出於洪兩岸山緜衍夾送自浪口而下至段馬巒勢漸起局漸收流漸狹又屈曲迴遶無半里直遂者登舟則面與山敵疑不知有出路及灣盡豁折又豁然無礙竟二十里

皆然亦暢境也至洪則峯愈峻其束愈嚴河愈駛
瀉萬流於一口如脫瓶甕之喉志載壺頭取斯義
耳漢馬伏波征五溪蠻經道壺頭灘卽此地其東
岸樵徑不達通衢惟西岸一徑通蓴川途廣不盈
尺如鳥道然幾不受趾又左倚絕壁右躡深淵行
者股慄當承平時誇示天險謂一夫當關丸泥可
塞此道其常耳山下巨石層疊橫互彌河長可二
里許闊不踰十丈兩岸相遇以骨欲求尺膚不可
得石不甚高卓但厲齒磨牙片片向上狀如盤蛇
如蹲虎如上水魚如衝風側翼如驪龍項下鱗鮮

一寸馴伏者其色蒼銅紫鐵如戈戟滿地琅琅森
森不可觸犯堪輿家以水口甲三湘人文蔚起想
當然耳石閒洪路有三中爲大洪東西爲小洪每
洪廣三尺有奇僅容小舫深則不可測水與石相
戰其聲如雷轟雹擊山爲之聳其飛濤噴沫如灑
玉飄花邑乘八景中一稱壺頭雪浪殆近之矣凡
舟過洪上不敢徑下必得本地長年一二人以其
生長慣習有呂梁丈人風每運篙有成算悉中肯
綮又能隨波曲折如控生虬首尾皆動曾不轉盼
已在百步之外矣故在賈人多動色相戒而負高

興者恆欲臨之天啓中荆溪吳石渠爲蒲令攝崇
曾過此中驚喜欲狂既下猶叫笑不已謂榜人曰
吾欲挽舟上再下一次何如雖其語出好事然洪
之爲洪益可知也余長於是鄉幼嘗躬歷數四然
領畧山川冒險窮奇乃在壯老今孟夏四日有事
南嘉復過是洪雖不遇漲溢可幸無懼而乘潮御
風之致未之少減因作詩云一尺容刀路千鈞發
箭機蓋實錄也初十日歸舟抵洪下漏盡二鼓可
以休矣而意興勃勃不自遏旋鼓勵舟人亦各技
癢奮迅逆流而上時月將落風起晦冥不見洪道

賴舟師胸有成竹著著不差如許敬宗識何劉沈
謝雖暗中摸索可得而知也論捷便飛盪上不如
下然震撼凌駕駭谷崩山奇與險十倍過之余矜
持舟中追憶吳君之言猶隱隱自喜乃旁顧侍僮
皆心悸魄奪矣少頃入平流山上杜鵑聲急小治
待曦命點燭蓬窗中作上洪詩二絕時奚童倦極
嗜臥未嘗出聲然吾揣其意中曰有是哉子之迂
也壬辰四月十一日記

楊昺壺頭雪浪詩山擁奇峯鎖太阿一灣流水瀉
銀河層濤湧雪驚舟楫峭壁參天挂薜蘿雨霽嶺

頭紅日近寒凝澗底白雲多似排三峽歸滄海功
說當年馬伏波

許宗魯崇陽洪詩崇陽之洪高百丈龍牙虬角石
相向懸溜空明一水通銀河倒瀉青天上前山三
日驟雨鳴清晨澗壑雙巖平浮查泛梗寄木杪舟
帆來往摩雲行奔湍激激雷霆走盤渦急濺蛟龍
吼開濬還思禹鑿初流通仁想神功久雪花散亂
白浪翻蒼崖合沓生陰寒炎晶五月失光彩中流
坐覺衣裳單我生雅志向山水訪石求泉徧遐邇
年來登覽頗富豪海嶽崢嶸懷袖裏將尋巫峽覲

崇陽縣志

卷一 疆域 水

五九

秋濤更泛龍門春漲高窮源便欲泝天漢直引星
槎推斗杓

汪際烺崇陽洪應邱三尊課詩環邑羣山東水勢
狹不廣有水險其山天氣日摩盪局踏觀流峙鬚
鬢慎俯仰穿雲怒長蛟落石如破盎樵斧天半聲
漁篙地底響傳聞阻伏波何曾穴巨蟒山開千古
面水尊百道長巫峽具端倪呂梁共惝惘想見闢
洪荒亦借巨靈掌使節賁山椒歌謠何草莽

汪墅

藍圃邑諸生

崇陽洪應課詩選山自選深選水自

選潔山水幽默情退聽溪契結虛衷采風謠空谷

賁虎節俛仰澄清閒巖壑資蓄洩磷磷石齒橫白
浪翻如雪四瀆既可杯一勺詎不屑峭風吹層冰
月小飛霜冽遙韻生邈緜細流發靜閉詩筆幸無
塵洗我硯池鐵周道來陽春寒澗千載熱

釋宏度冬日經崇洪詩水潺潺處磷磷石無復春
流滾雪濤兩岸人家煙隔斷一泓清淺恰容舸○
已上依序次已下分門類

油榨灘東一里 秤鈎灘 沈樹灘俱東十五里
塢前灘西城外 官陂灘西五里 婁家灘西
十五里其北岸爲婁家洲 華石灘西南二十里

崇陽縣志

卷一 疆域 水

六十

上下重疊有灘上灘鳴晴下灘鳴雨歷驗不爽

張家灘在華石上 魏家灘西南二十五里 頭
巾灘西南三十五里頭巾石下 六石灘與頭巾
近有六石故名一曰種穀灘其下有潭 風下灘
西四十四里 白馬灘西八十里其南岸爲白馬
鋪 鹿牙灘東北十五里 壺頭灘卽崇陽洪
高灘南四十五里 柞刺灘西十一里潭頭觜上

有洲生楊樹成林庠生雷新
民等稟請禁蓄以保水口

傅以忠葵圃邑 華石灘謠二章雷殷灘下鳴雲陰
灘上生水流競何事不報雨天晴莫聽上灘晴莫

聽下灘雨一笠戴灘頭雨晴天作主

雷璜

兩峯邑
布衣

高灘詩萬山回合鎖巖從路走羊腸

一線通渡過小溪清淺處滿洲蘆荻戰霜風

三汊潭東十里 蘆潭東三十里羊港中 雞冠

潭東四十里石棍港搶水巖下 自泉潭南十四

里 尚書潭南十五里下有尚書陂久廢 銅鐘

潭南十六里銅鐘山下內有巨鎗善泅者取魚從

其耳竅出入 青山潭南二十五里青山巖下產

魚味美 雙魚潭南六十里清不見底一穴橫通

棍井常有雙鯉排擠出遊一名魚擠潭 香山潭

崇陽縣志

卷一 疆域 水

六一

西北十里白泉港 舫絲潭方山雙港相傳釣絲

盡一舫始及潭底今塞 八斗潭八斗山下見山

志 石門潭全上俱西五十里 龍潭西三十五

里白驪港滙神口八斗山諸水 石牛潭西北七

十里 風亭潭西二十里肥田港口已上支河

圳口潭西南十九里九節橋水注雋溪匯此已下

俱大河 松樹潭南岸爲蔡家墩 獅子潭烏吳

山下同上俱西二十五里 夜坪潭西三十二里

種穀潭在六石灘見前 瀛潭俗呼邊月潭西

四十里傍有山如半月形水底有石如牛大畝許

皓魄秋澄波光四射爲崇邑八景之一 楓樹潭
西四十五里 石龜潭北七里仰蓮山下 白雲
潭白竹山陰 河田潭與白雲潭近深廣甲諸潭
出三角鯁魚味絕美他處所無同上俱北二十五
里
楊昺瀛潭秋月詩碧天如水晚生寒一片秋澄水
底看冷浸石牛星影淡清涵獅子曙光殘雁鳴霄
漢金風早鴉噪楓林玉露溥幾度倚巖多興趣恍
疑身在五雲端

吳世雄龍潭古意詩漠漠寒煙起潏潏空潭水渺

崇陽縣志

卷一 疆域 水

六二

然煙飛盡潭水清到底

大湖邑南九十里見山志 戴家湖西八里 長

湖西二十里通志稱長江湖 肥田湖西二十二
里一名揭家湖 岳家湖西五十五里 泉湖西
六十里泉出石冲行數里至魯溪冲伏流二里汪
汪湧出故名○崇安得有湖出巔涯次低窪積潦
菰蒲滋生水禽翔集煙雨冥濛中存湖之意象而
已

芙蓉池西城內甘棠橋下 蓮花池古淵海亭畔
嚴士貞詩云蓮花池上憶同遊客去亭空幾度秋

是也 濯錦池東五里浮溪畔 白龍池西二里
西禪寺前 洗瓜池南七里吳城坪相傳吳王種
瓜洗此詳古蹟 漚麻池西十五里灌溪寺右
插劍池西北許仙巖詳山志

嚴士貞插劍池詩袖攜三尺過西安應迹唐年隱
翠巒赤犢潛蹤波浪息青蛇入水斗牛寒遙聞飛
鳥來山殿猶想行騰下石壇吟髮蕭蕭重訪古午
風偷弄碧琅玕

揉藍井西城內張家冲泉色紺碧取濯錦最鮮
戴家井西城內 南官井南門內官街側今廢

崇陽縣志

卷一 疆域 水

六三

雙井東城巷中 文瀾井北城學宮前騰蛟坊畔
雞公石井南二十里 葛洪井邑北葛仙山八
景之一詳山志 鹽水井北三十里

徐行揉藍井說井以揉藍名取其色也其說見於
黃帝正統云鑿井而飲色如揉藍按易井冽寒泉
食則非寒冽之類不可食矣揉藍卽其義也然筆
談曰瘴水烏脚不敢飲飲則病瘴昔亦有梅花圖
者墜於瘴沒頂乃出舉體盡黑白謂必死而夙病
竟爲之盡除此類又不知其爲何也豈非水色之
有藍有烏者耶乃圖經又載黃山東峯硃砂泉春

水點茶色微紅又非水之色有定者歟揉藍亦猶是也今崇之揉藍水味清潔果不同於他水至云其昔曾作染則村俗不稽之譚耳

龍頭泉邑東龍頭巖見山志 芭蕉泉 桂泉

後村泉 烏泡泉在仙師巖下詳山志俱東三十里 石屋泉有石如屋泉出其中故名東四十五里居民起水碓造紙 茅龍泉兩山麓東三十五里 鏡面泉 分水泉俱東四十里 港頭泉龜山嶺下 石流泉韭菜巖之上俱東四十五里

張家泉 鳳泉白羊山下俱東五十里 沿河泉

東六十里泉山下山以泉得名 寒泉在大湖山下 白崖泉 雞籠泉俱龍泉山下詳山志 桂家泉南二里 三田泉南十五里 何家泉南二十里西冲灌田十餘石 史家泉南二十五里 飲泉西一里 西泉西北十五里 分泉西二十五里龍崩塘山口 陽和泉西二十五里源自許仙巖伏流至此湧出 白泉西北十里 羅漢泉西北四十里 毛家泉西北五十里金紫山下 黃團泉西四十里 玉澗泉西五十里巖頭山前一曰卓錫泉見山志 石厂泉西南十九里石觜

山麓泉嘗出黑魚剖之腹中惟一直腸食之者死
楓樹泉西南三十里 鮎魚泉 蘆渚泉朱砂
橋畔 蘆泉泉眼在雋溪中與龍頭泉相接 段
馬泉已上俱北十里 柘亭泉 楊梅泉俱北二
十五里 湯泉東北十里城岡嶺麓田中噴出沸
熱如湯 寶花泉有臺呼蓮花墩泉流其上 小
泉在屏風山石底湧出挂壁爲瀑布沿澗起水碓
造紙灌田流薪俱資其利山前即龍頭泉二泉互
相盈縮陽年龍頭增小泉減陰年反是 東泉三
泉俱黃沙保邑東北二十五里

汪型湯泉亭募引邑東北城岡有湯泉湯泉之上
爲金蓮寺寺僧欲構亭墊陷以通往來澡潔余曰
通往來澡潔驪山等處久化爲爭奪之場矣何聽
此之洶洶蒸蒸謝名於豐草綠蓐閒耶粵稽神女
洗瘢與夫神人所暖之說未嘗不嗤其謬卽如茂
先博物歸諸石硫黃亦屬臆說今置硫黃水中未
必溫如所暖如所洗尤荒弗經之甚唐子西惠州
湯泉記務爲格理之言以泉在天地間自爲一類
受性本然又譬諸吹氣爲溫噎氣爲寒同出於一
口深與江東之泉吳積之池半分溫冷而共出一

池一壑相合洵足以翻茂先之案矣彼僧之欲等衆泉而構亭甃陷通往來之澡潔將無遺其理而闕其事歟徐思之是殆不然世無夷齊則塗炭痲癢抑於胡底卽所推吳隱之矚然不淄恐終未免爲往來中人湯泉亦猶是也極目族類之繁疲癯殘疾瘡痍誰起正又不妨迂視子西輩而樂神其說於神人神女也斯則僧構亭甃陷之意亦可取也如是與潤州之竹武林之桃幾幾乎有莫自保之勢而余今日之筆墨誠有如嚆矢之莫禁者○右所志池井無甚裨益湖與泉大半能資灌注並列於水從其類也泉多不知名不能悉載舊志所遺約畧補之又或附見山志及古蹟陂堰中不盡於茲云

談名勝者動謂崇無名山故遊屐鮮至夫山何由而名也大抵有峯巒泉石之勝足以畱千古傳人之往迹而名始歸名由實致亦求其實而已實至而名未顯於山何歉焉崇山咫尺洞天寶饒勝蹟明季有浙人王雪癡者稱中有佳處大類山陰遠方且欣慕之矣近里轉習焉不察山之名與否流俗惡足知之雖然萬壑千巖引人入勝是爲□□

崇則有餘沃壤流泉爲民興利是爲實用崇尚不足民生日艱山農尤甚今時所求之實又在彼不在此矣

原隰

山環其外川貫其中平衍之地可以阡陌田賦所自出也崇邑原野於山僅得十分之一高下參差名稱錯出茲各從其類分書之較舊志加詳焉著重也其以畷名者東有碧田負郭一里有王疇胡定宅址小港

距治五里詹家饒天民居此內洲名石里一遠陂 桂泉

軍陂 舒陂 夏家俱十里白鷺 尖山五里高隄

崇陽縣志

卷一 疆域 原隰

六七

三十里汪廷鈇居此宋家三十五里下巖保白羊四十里高田五十里後

岔王應斗居此高畷俱五十里黑橋六十里

東北有夾澤七里浪口十里梧桐 大白俱十里松田

馬家劉景韶居此已

南有港南二里官田三里棠嶺六里活泉八里毛家一里相思十里

南田三里華陂十里龔伯甯一名吳楚材陳忠愛一名中圳戴書

雷駱十五里青山二十五里老屋三十里南田五里

西南有河嶺二十里石屋 水口俱三里楊家三里大

江三十里江田五里秋岔五十里劉家五里橋保五里大畷

城隍俱十里官軍營六里詹家臺橋蘆熬俱六十

西有李家里六里曾家里十二里湯田名十五里一塘田西莊里十八

肥田定二十里此居胡楊林興隆馬頭俱五里二十學官

大屋白驪已三十里上俱桂口里四十陳家里五十城下

五十里烏石里六十六斗伍塘俱八里六十宋家宋妙明居保

此青山暇心白馬俱七里石下有肥田西保二十四十五

口里桂保

北有北門郭負泉塘里五毛蔣柘亭河田古樓

俱十里羅家劉家崇洪保俱五里

以坪名者東坪龍頭巖山志金雞坪黃沙山中相傳

胡丞相墓金雞飛出至此不見故名同上俱東吳

崇陽縣志

卷一 疆域 原隰

六八

城南七桃林銅鐘俱十里南二磯石六里十河坪南里六

陽坪西里三夜坪三里十打牛里四十長坪里五十杉坪十五

五里已葛藤坪有洞與蒲圻荆泉通詳雜撫里未

詳大霧北四十里大坪有西四十五里方山保沙坪

有三城下保東南五十四里沙坪保西五十

以冲名者張家西內城梅冲負北郭汪柱汪桂居此

桂宅廢園石筍存東冲里二十三百里十五趙家十五

里已查冲里七鄧家伍家俱八唐封里十八西冲十二

里方冲已二十二里長冲里八盧冲里十大冲白羊俱二

十五里鐵鑪城隍俱三十舒家冲口有古樹叢祠

里四十 普冲 南冲 横冲 柳芳 盧

家 爛泥 溪有保四七十里 星龍橋保西南五十里 灌

保石屋

以原名者泉原 廖原 石龍 金竹

里七家 宋原 青草 大原 避原

上南里已 王家 小原 獨蛇 八斗

大竹 菖蒲 三山

以隴名者王家 泉坑 新屋 蔣

家 髻 青獅 水滴 金雞

里七 楠木 漿坑 寺隴 馬湖

崇陽縣志

卷一 疆域

原隰

六九

袁家 殷家 斗岡 六和 道士 陽和

詹家 馮家 紫仙 傅家 油隴

已上 王師 望天 熊家

以灣名者羅田 黃楊 東山

西里南二 鄒沈 石城 竹林 白沙

十里 蕭家 白馬

以坑名者河坑 老鴉 泉坑 郭公 梅坑

東里六 竹坑 下坑 泉坑 郭公

鐵鑪 伏嶺 大泉 金竹 潘家

金塘 水坑 梧桐 相思

三十里 黃公坑與桃源嶺近諺云水打黃公坑狀元

中澤生地有上中下三澤也西四十里 趕龍五里 大

茶 小茶俱六十里 魚腮郭外三里許 梘頭三里 黃泥五里上

北 板坑有二十四里 長峯黃沙保 石坑有二十里 石坑東四十里 保南三十里

鐘里保 銅 汪家坑南一

以洲名者郭家洲在東門外咸豐甲寅冬胡文忠

公及何龍臣太僕忠駿俱駐營於此 外洲先是

石梘陂廢田遂成內外洲 內洲路旁有古樹二洲

俱十里 夾澤北七里 中洲南郭隔水橫瓦里許諺云

中洲生接上津台渡頭朱紫撥不開元狀元李政

崇陽縣志

卷一 疆域 原隰

七十

茂居此楊文昭廉使品中洲返照為邑八景之一

又河嶺畷亦有中洲 新淤七里 揭家 各家 廣

仁俱十里 龍泉四十里 團洲四十五里 婁家洲溪漲生

時四面皆水咸豐間羅公羅山澤南經此駐營西十里

八 荻洲二十里 肥田三十里 鶴山二十五里 謝家洲雋水

左右夾流上有居人村落七十里 菊家洲一名菊花

七十五里 已上西南 ○灣與坑當列水類而邑諸灣乃傍山

田諸坑乃傍水田洲近水多沙不可田種木棉菽

粟之類歲無水旱亦有收故並附原隰之末

米調元春日獨行北門畷經荒村有所憶詩春野

曠無際興來惟獨行偶逢谷口樹因憶昔人名芳
草田廬換浮雲身世輕機心息已久麋鹿不須驚
王道大中洲返照詩坐擁南樓夕氣佳紅輪倒影
散晴霞光搖遠岸渾秋樹色抹平蕪當晚花溪水
夾流金帶裊漁舟停釣紫竿斜須臾煙靄蒼無際
又見東峯吐月華
陳鷓李侯壽筵賦中洲返照詩雋陽城外賸晴虹
二水環流美在中紫氣南天光拱北金輪西海影
朝東依稀遠樹珊瑚點閃灼平沙琥珀烘介壽公
堂歸正晚酡顏面面映相同

崇陽縣志

卷一 疆域

原隰

七一

山田多磽薄歲稍不登卽仰食商販溪水不通大
舟米價騰貴居民病之俗有多三石無處賣少三
石無處買之說原隰在崇似無足志然珠不禦寒
玉不療饑惟茲土田民生利賴况自經清丈後野
無不稅之田可荒弗治耶無游無曠力穡有秋志
此爲老農勸

風土

民情土俗囿於地而轉移於時崇居湘鄂間於荆
楚歲時岳陽風土二記可覘大概其或今之所有
昔之所無地同時異故也夫十室之邑豈無家自

爲俗不爲地囿善與時轉者然求之士族且難於編氓乎何責移易之權端歸賢令尹矣司馬溫公云上行下效謂之風風繫以土仍本乎地上之人因地制宜相機而利導之豫防之力挽之是爲風化司風化者風土之美惡不可不知也因彙所聞見以殿疆域備輜軒之采焉

南楚地薄寡於積聚人輕易發怒好詞巧說少信見史記火耕水耨民食魚稻以漁獵山伐爲業果蓏羸蛤食物常足故啾窳媮生而亡積聚飲食還給不憂凍饑亦亡千金之家見前漢志有道先服

崇陽縣志

卷一 疆域

風土

七二

無道先強見晉志人率多勁悍決烈敬鬼重祠祀之事屈原以五月望日赴汨羅土人追至洞庭莫得濟者乃歌曰何由得渡湖因鼓櫂爭歸習以相傳爲競渡之戲迅楫齊馳櫂歌亂響喧振水陸觀者如雲見晴志稱兵跋扈無代不有見杜氏通典岳鄂俗薄而質見宋志士以文辭相高有六朝之體見柳拱辰郡守題名記○已上統全省及武昌十屬風土已下專屬崇陽

五代以來軍卒凌將帥胥吏凌長官餘風至宋初猶未盡除見鶴林玉露□粟種茶拙於治生見王

欽乖崖祠堂記崇陽素號難治見歐陽修集
黃庭堅和鄂州節推陳榮緒泐檄崇陽道中詩張
公少爲令愍俗有遺書左販洞庭橘右擔彭澤魚
歌奔中夜女歸抱十年雛近歲多儒學仁風似有
初○已上宋時風土

君子業儒不習錢穀簿書小人椎魯貧窘不解期
會發徵至號爲難治見張仕可賦役冊序地狹土
瘠礲沙石雜沓小有水旱不厭糟糠性偷惰不善
治生且不事商賈貧窶日益衆俗尚鬼歲時伏臘
斂財賽神以覬福利緇黃糜費病者率事師巫不

崇陽縣志

卷一 疆域 風土

七三

知重藥餌四通山澤易爲盜藪爲齊民憂薦紳人
士秉禮啟義猶有先進風顧其民不顧公家急急
之則相率稱厲緩之則玩愒而事坐廢見陳洪烈
志序風俗啟樸女婦推節壯士效義見劉永清志
序山多田少土瘠民貧士大夫鼎盛時喪祭之禮
質而不文見總志舍末務本俗習雅儉見古志
王應斗端陽竹枝詞三首少年歌舞少年船不惜
春衣浪典錢拍手江干貧亦樂管他正賦與加編
鄉村兒女望城遙十里五里歡相邀不怕新羅紅
著雨不愁歸路水平橋楊柳叢頭朴樹隈菖蒲甕

底藕花杯平仇殺賊無消息日日高歌得勝回○
已上明時風土

舊俗尚囂競輕扞文網近則秉性慕義有先民遺
風見賈漢誼大邱冊序俗樸訟簡民力農少爲商
賈顛愚而重犯法士務詩書尚廉恥見續志

立春日遐邇入城視土牛五色占水旱視勾芒神
冠占寒燠元旦長幼盥沐新衣冠拜天地祖先畢
開門擇吉向日出方飲椒酒先幼後長曰頭腦酒
卽屠蘇酒也親故相賀曰拜年兒童鳴爆竹擊鉦
鼓曰鬧年是日不傾水欲行不遇雨也不掃地不

與錢物不形怒色聽鵲聲占養雞鴨三日俗云送
祖日各焚其門錢亦有遲至上元者五日爲牛日
以飯飼牛戒勿鞭詈重農事也十五上元節燈燭
夕然野望如繁星人家奧窔俱遍日照虛耗曼衍
魚龍之戲城市尤盛粘詩射謎嬉遊達旦閨中迎
紫姑神問休咎往往有驗二月社日四鄉賽社農
人浸早稻曰社種初葬之塋是日祭掃俗云新墳
不過社三月清明是處上冢上巳日士人多爲踏
青之遊四月八日浴佛舊稱龍華會城鄉乃先備
競渡龍舟徹夜打開頭鼓蓋誤以華爲划也可爲

一矐午日戶懸蒲艾以朱砂雄黃塗小兒臉士女鮮衣往來溪上觀水嬉親故相饋角黍饅頭醢卵香扇等物六月六日農家禳田祭鄱官土地之神七月七日曝書籍衣裳是夕占天漢隱見卜穀價貴賤婦女乞巧於月下穿鍼十五中元節先三日家各列筵几迎祖先朝夕供飲饌如事先禮先一夕焚楮錢送之新亡者則先二夕寺僧作盂蘭會夜然膏炬曰放燄口二十六日祀張乖崖遵成都奠公像於僊遊閣故事也八月中秋比戶以餅餌菱藕相遺設夜筵玩月以月之明暗占來歲上元

晴雨重九日士夫皆攜酒登高采菊賦詩爲樂是日釀酒曰重陽酒十月墓祭曰掃黃葉俗重冬至家各祀祖先且有祀日者十二月八日效浮屠食臘八粥釀酒曰臘八酒二十四日俗謂小年家各掃埃墨具香供迎祖先以米作餅供竈神置燈釜中曰送竈除夕貼門神上懸五色錢紙旁貼門聯取吉利語夜靜祀祖先及太歲神曰送年撾鼓鳴鉦響爆竹夜飲爲尊者壽曰團年達旦不寐曰守歲少者拜長者曰辭年○立春以下舊志另編歲時與風尚俱列禮制其實皆風土非禮制也並繫

於此

汪際秋村女挑野菜詩雨後春田迎春旭滿壑茂
莠添嫩綠誰家兒女隔村來三三兩兩淡粧束懿
筐羣執弓鞋敝遍采香蔬踏畦曲一摘再摘葉漸
稀和根挑盡不盈掬日出采蔬日暮回安得百草
充枵腹吁嗟乎村莊兒女半艱辛蓬頭菜色自甘
貧不見溪上采蘭爭贈芍閨中鬪草約尋春問渠
誰是咬根人

釋儀容插禾歌田家無如插禾苦秧雞啄泥昂其
股行行分取手中春一點將煙外雨頭戴笠子

崇陽縣志

卷一 疆域 風土

七六

背荷蓑羽民國裏矮民多滿眼生花脚踏浪日長
消遣兔園歌看看雲破下春了一鈎新月依山小
歸眠初伸磬折腰布穀未明驚喚曉

劉鎮鼎采茶行棟風吹過寒凍盡深林長就孩兒
筍養花天氣雜陰晴遠山一碧生意迥山前山後
種茶場春風初試芽旗香六斑好趁雨前采背束
筠籃手提筐采茶須采早莫待茶芽老茶老價亦
廉茶早售較好朝采茶暮采茶山花壓損鬢雲斜
蠶事未了茶事急忙煞山中兒女家○已上俱藍
本舊志雜引書集證之其有未備者補志於後

崇邑士風向尚古樸重窮經前朝大老數輩以文名海內故持鉛槧者輒稱之近今風尚不逮遠矣然鄉閭各起家塾兒童盡使知書迂士腐生拘執禮法亦足覘風化之首農力耕作貧者佃種田宜稻山宜藪山多於田故富者不滿十萬蕪田例殺草粉石灌田舊藉陂堰故歲有爭水之訟喜較錙銖故兄弟多析爨歲有饑饉故貧戶不無逋租然上下忙錢糧則輸將多恐後人浮於土工商離鄉十之四肩販盈道擁厚貲爲巨商者百不一人近水者行舟舟行大河曰崇陽扁小河曰青山躡陸路運貨物輦獨輪車山獵水漁事之者亦爲恆業而游手浪蕩事擣菹酒食於村市中者不能盡無近則市井隸卒亦耽洋煙官禁不能止可怪也婦女務紡績蠶織雖宦家富室不廢女紅中產之戶兼任耰鋤桔槔耒板之勞山中健婦登危負薪力逾男子孀居烈性者甘貧不再醮民勞則善閨訓懍然近年村家婦女逐隊入市揀茶則風俗之大憂也冠禮久廢不行婚姻多於童時定聘信合婚之說女年及笄或男家親迎或女家具妝奩自送各稱貧富富者亦不過奢古風猶存至若初生與

男家抱養及童時來壻家者鄉間尤多省物力也俗慣溺女故有育嬰堂之設風因漸改男女年五十輒啟壽讌村俗好用木作椀對髹漆描金套語俗書殊不耐觀喪事稱貧富用僧道者十有八九停柩中堂里中無賴之徒輒來鳴鈺擊鼓終夕歌唱雜以諧謔名曰鬧喪士人喜談堪輿鄉愚無知至有灰骨偷葬甚於徽州所謂穿山甲者疾病動事巫覡禱野廟叢祠謂之收魂近來亦重醫藥權量不一物價之低昂因之城中制斛大於鄉斛一二斗不等秤十六兩爲一觔或二十兩有多至二十四兩者曰接半近年遠客買紅茶多至三四十兩售田上鄉多計斗下鄉多計畝丈尺長短亦略有不齊山翁年老稀至城市故易受欺吏民易水火故往歲嘗興訟構禍宴客肴數簋酒數巡古風也近日城市相尚以奢羞言儉約諺云富家一席酒貧漢半年糧信然市人對飲喜拇戰鄉間賽神祈福又往往好羣飲酒酣號呶動生事故鼠牙雀角鄉之出頭者充調人理曲之家罰令出錢調人瓜分曰打臺盤此風山谷爲甚邑故多寺觀間有爲前朝仕宦家倡捐募修者子孫輒稱山主進退

住持時復興訟值改創重新必倡衆董役甚至賣祭田營之不惜殊不可解考諸寺觀多始於唐憲宗朝及南唐後主時其時人君好佛民皆效之習俗相沿貽害不絕每年秋穫後大衆持香楮繫黃布訶子鳴鈺呼南無曰朝山遠則通羊九宮山近則臺山羊角峯等處其神率稱張眞牧朝謁者往來絡繹累月不休春月秧歌茶歌各成音節蘇東坡所謂如雞唱者是也田家自以爲樂二黃絲竹近世盛行城中城隍廟奏曲娛神每歲糜費不貲鄉村市鎮時復效之秋冬至春月沿戶迎儺夜燈

演劇觀者亦如堵牆至於問籤許願士夫閒亦爲之最壞俗者莫如花鼓淫腔屢經官禁不能盡革端午船歌有聲無字不可解曉競渡之戲鬪爭特甚至於毀踐禾稼飛石殺人尤俗之不善也茹素之說愚夫婦惑之屢煩官長曉諭識者憂焉深山窮谷便於避劫居民有累朝土著者如溫氏廖氏金氏著於唐高氏胡氏徐氏顯於宋包氏先世避黃巾則漢人之苗裔也方言呼祖曰爹父曰爺母曰娘亦曰媽兄曰哥女兄曰姐未嫁曰姐哥男曰崽罵人亦曰崽名女曰秀男女行小者曰滿曰么

曰晚幼未名者曰毛曰牙無曰貌食曰喫如何曰
那樣忽然曰斗然敏快曰鯽溜放潑曰尤賴能任
事曰倜儻善幹事曰儻儻兩物相比高曰石低曰
潮前三日曰先前日後三日曰外後日諸如此類
與湖湘大同小異且音與巴陵臨湘蒲圻相近通
城但微不同諸縣皆漢下雋卽此可證也

崇陽縣志卷一終

崇陽縣志

卷一疆域

風土

八十